




正統四年至七年

廿二



國權

已未正統四年

正朔午左都督方政乘勝攻思任發舊大寨破之初思任發幼
育於沐氏故晟意在撫之思任發部酋緬檢法守潞江政自
率衆渡江擊走緬檢乘勝北上江上江思任發所居也遠
攻疲甚求援於晟遣指揮某以少兵往知晟意至夾象石不
進政自渡江追至空泥賊出象陣擊我政語子瑛曰若急歸
吾死分也遂策馬突陣死軍殲焉晟聞之焚江上積聚奔還

鹽官談遷孺木著

永昌事聞贈政威遠伯謚忠毅祠於永昌
金土人哀慕大保祠於
乙酉夜月掩土星

丁亥考察外官

己丑撤專巡甘涼御史

甲午郊英國公張輔代

乙未夜大星赤先自雲中流近濁

丁酉行在左副都御史賈諒卒諒字子信嶧人永樂鄉舉入

太學直東宮擢刑科給事中 宣宗初進左副都御史嘗巡

視四川江西湖廣民瘼剷除奸豪徐州獄逸往捕還卒德州

予祭葬

戊戌寧府信豐王盤煥薨年十九謚悼惠妃劉氏自縊謚貞

復馬玉隆德知縣食從六品俸玉任滿邑人留之

時裁運河官止存右少卿徐儀右通政王孜南北分巡至是

漕運左副總兵都督僉事王瑜言永樂間督理運河官至百

二十餘人宣德間猶十餘人今非二人所能辦於是仍遣郎

中孫昇等六人

己亥瀋府沁水王信煇薨年二十九謚悼懷

庚子復張晟東鹿知縣食從六品俸晟秩滿邑人留之

辛丑起復四川右布政使李敷

尚寶司少卿袁忠徹令中書舍人私錄書林別集四卷被劾
下錦衣獄

癸卯左副總兵定西伯蔣貴為平羌將軍總兵官鎮守甘肅
會川伯趙安為副總兵鎮守涼州都指揮使朱通副趙安行
事兵部左侍郎柴車右僉都御史曹翼叅督軍務

瓦剌使回勅諭可汗脫、不花曰 高皇帝兼愛中外待漠
北尤誠信朕遵守不敢失可汗順天道遣使通好人民安樂
此亦可汗祖宗愛民遺澤之所致也今遣都指揮康能陳友

王政等齎書幣往致朕意且益款前好使命往來無間將後
嗣蒙澤可汗名亦千萬世不磨可不念與賜丞相祀、的右
丞相脫歡左丞相昂克等有差

甲辰行在通政司右叅議陳瑞為戶部右侍郎

戊申復王榮肥城主簿食從八品俸榮任滿邑人留之

二期戊朔豐城侯李賢鎮遠侯顧興祖兵部左侍郎鄭辰都察
院右僉都御史丁璿提督通倉宣大邊儲

壬子武進伯朱冕為總兵官都指揮同知石亨為叅將鎮守
大同

丙辰哈密忠順王卜荅失里瓦刺順寧王脫歡入貢
行在禮部左侍郎兼翰林院侍讀學士王直行在翰林院學
士蘭從善王禮闈

夜月犯天高星

丁巳湖廣貴州總兵官都督蕭授平叛苗金蟲等

己未大學士楊士奇展墓中官護行

庚申起復伏羌知縣武寧寧憂去邑人留之

工部主事趙欽署都指揮僉事張孟詰增置懷來陰慶等倉

甲子復劉晟沂陽知縣晟任滿耆民留之

丙寅起復潯州通判龐本原

丁卯行在戶部乞仍遣侍郎巡撫不許

辛未湖廣貴州總兵官右都督蕭授為左都督都督同知吳
亮為右都督

方政敗聞分遣監察御史益徵兵

癸酉嘉興大長公主薨適駙馬都尉丹源

甲戌更定山東浙江江西南畿罪囚贖銀例

丁丑遣右僉都御史丁璿錦衣衛指揮倪正往雲南議徵兵
五萬

夜大星赤光自屏星流近濁

閏二月朔曉刻火星犯壘壁陣

辛巳山西按察僉事劉紳言二事曰振業貧民令墾荒田停徵五年曰加惠邊軍許沿邊空地耕種免其子粒 上即行之

乙酉命諸生犯罪除註誤外廩膳追米餘發充民不准收業以山東提學僉事薛瑄言之

丁亥起復思州知府郭晟改西安晟初任西安同知民思之已丑改靈武監於鎮原縣萬安苑清平苑於開城縣

貴州苗復亂殺沅州衛千戶黃端百戶徐瑾等

夜彗見張宿

乙未授馬翔張榮都督僉事

夜月犯亢宿

丙申免淮揚田租十九萬九千四百五十餘石

賑岷河鞏昌西安饑

丁酉武定侯郭瑄太監雷春脩皇陵

夜彗餘五尺掃酒旗

己亥脩各關烽堠

庚子召參贊甘肅軍務行在右僉都御史曹翼還院
秦府保安王志烟薨

夜望長七尺餘犯鬼宿

辛丑釋行在刑部尚書魏源都察院右都御史陳智令復職
尚寶司少卿袁忠徹致仕前太監馬騏成山侯王通左都督
馬瑛布政使戈謙俱放為編氓

丁未增畿內山東山西河南陝西湖廣招撫逃民官六十四

人

三月酉朔大赦天下詔曰朕嗣承大統夙夜祇慎一切不急之

物悉已停罷尚冀群生樂業上恊天心切慮民情幽隱庶職
未盡得人承流宣化有所未至深歉於懷茲當春和萬物發
舒吾民或不得其所悉從寬恤以遂其生爾中外臣僚其體
朕心盡乃職務求實效

行在戶部請派各省黃白蠟芽葉茶等物上以民饑不許

庚戌策貢士楊鼎等百九十九人於奉天門賜施槃楊鼎倪

謙等進士及第出身有差

起復湖廣按察僉事張思

戊午榜葛刺滿刺加琉球八貢

勅湖廣處置征南糧儲
夜大星如椀赤光有聲出貫索流至文昌後二小星隨之
庚申復陳暉吳縣縣丞

廢遠王貴哈為庶人歸守遠簡王墓歲祿千石貴哈至京

上示以諸臣劾章伏罪

巡撫直隸行在工部右侍郎周忱母喪命奔喪即蒞任

癸亥行在兵部左侍郎柴車為尚書仍叅贊甘肅軍務

乙丑封周府子擴遂平王

丁卯雲南總兵官征南將軍太傅黔國公沐晟卒於楚雄峨

嶽驛自方政敗績
上責狀晟知不免仰藥卒以安南功贈
定遠王謚忠敬

田汝成曰麓川之役舉朝皆以為非謂王振專權逞忿而
李文達亦言麓川初叛不委晟而遣別將遂致喪師此皆
失實潞江致敗晟實罪魁第朝議以晟元勲之裔關土安
南有功復畏法引慝自殞得蒙贈謚亦已幸矣思任抗王
師殲大將釋而不誅辱國益甚振之罪惡通天若王征麓
川義正言順不可非也三原王公撰忠敬王廟碑其言亦
與文達同謚美文過為冢狀所蒙常未知國史所傳竟何

稽也

談遷曰國史於泥空敗績云失政所在竟沒其功於沐晟
云以疾還至楚雄峨嵋驛卒不著其覆軍飲藥蓋大為晟
諱矣晟協平安南績不庸氓以麓川之敗準之得世其赤
社業為厚幸何至以王爵終哉安南之功孰與靖難麓川
之敗不亞臚胸執此以論立福且十世宥之矣雖然晟之
保釐西南造德於民者固未有涯也

張志淳曰李賢古穰雜錄謂麓川初叛沐晟尚在彼時宣
布朝廷恩威數其罪撫安之未必不從輕動舉兵又不委

七

晟而另遣將以至王師失利適王振操柄逞忿驩阿其意

云夫麓川初叛討之在正統三年戊午政死江上在已

未正月四日晟敗回永昌正在月五六月自永昌回二月
盡卒於楚雄在三月十六日驩總督大征在九年甲子事
平在十二年戊辰李名相國史皆其總裁失實顧至此良
可歎也左都督死極慘欲不與師得子嘗見楊文貞作詩
送楊郎中之雲南意與李同又王吏書作沐忠敬廟碑與
李所言同李牽於私而不復考也

已已復趙登湖州知府食正三品俸登秩滿郡民留之

左副都御史吳訥致仕
思任發犯景東孟定殺大侯知州刀奉漢等破孟賴諸寨降
孟連等長官司

辛未巡撫湖廣行在禮部右侍郎吳政巡撫湖廣監察御史
陳祚俱調南京

癸酉增南京及在外文武官吏旗軍俸糧

四 戊寅朔安南國王黎麟遣使隨給事中湯鼎等謝侵地之罪
表貢方物

辛巳復長蘆巡鹽御史

癸未河南左布政使李昌祺致仕

丁亥夜月犯左執法星

己丑禁外夷市銅鐵器

庚寅張家灣通濟倉草場火

壬辰命陝西罪人納草贖罪

夜月食

甲午興山王貴燧進封遠王

乙未起復荊州知府劉永

丙午京師門樓城濠橋闌工成

賑長垣諸城饑

五戊申朔倭犯柘渚千戶所

庚戌鎮守雲南右都督沐昂為左都督征南將軍總兵官右都督吳亮為副總兵都督僉事馬翔張榮為左右叅將進討思任發

鳳陽淮安徐堯濟南開封蝗命捕之

丁巳行在兵部右侍郎徐晞為戶部左侍郎

陽武侯薛詵卒

戊午復徐寄剛錢塘縣丞食正七品俸寄剛秩滿邑人留之

九

辛酉大學士楊士奇還朝

召商於陝西納馬

壬戌復周邕大名縣丞食從七品俸

京師大雨雹

丁卯衛府左長史金寔卒吳開化人博學能詩文永樂初工書除翰林典籍仁宗監國進右春坊司直郎洪熙初授今官

庚午遣視真定保定廣平順德大名河間延安彰德懷慶開封衛輝旱災

壬申京師大雨水溢壞官府民居溺人甚衆人多露宿
甲戌周王有燉薨王博學善書年六十一謚曰憲配工移祥
符王有燾書夫人以下不必殉年少者許歸其家議者曰
上異時止殉之漸也

起復清苑知縣屈義

是月倭舟四十餘夜入大嵩港陷城轉昌國衛時誅失事將
官三十六人

六月丑朔湖廣都指揮僉事張善為叅將征蠻副將軍鎮守湖
廣時總兵官蕭授年老召還

開寧夏五渠

戊寅巡撫河南山西兵部右侍郎于謙秩滿為左侍郎

慧見旱宿長火餘至七月二十五日沒

辛巳復張道陽曲知縣食六品俸

壬午福餘衛都指揮歹都等教言賞薄互市失利非永樂時
比上因使者還勅曰文皇帝以爾通阿魯台歲徵馬三
千匹贖罪爾俛首聽命朕實爾寬而妄意無厭是速敗也其
亟改圖否者將遺悔

癸未重定雲南中鹽例時征麓川通緘未幾再減至米一斗

仍不次支給

乙酉復丁耀臨川主簿食正八品俸

勅總兵官都督同知以兀良哈泰寧朵顏福餘三衛通瓦剌
罷其部落貢獻止大頭目

丙戌夜月犯氐宿

己丑賑蘭縣邢臺桐城潛山旱饑時陝西按察僉事卜謙言

蘭州衛蘭縣久旱及詔下立雨此聖德格天 上以貢諫不

聽

庚寅裁廣東宜倫寧遠萬寧縣俱附郭民少

許甘肅備禦都督僉事曹儉回京

癸巳涿通霸薊晉安祁新城新安定興雄開封衛輝彰德各
久雨河溢傷稼

乙未周憲王妃鞏氏自經殉王謚貞烈夫人施氏歐氏陳氏

張氏李氏同日死俱謚貞順 上雖令止殉蓋無及云

京師地震

命工部右侍郎邵旻右僉都御史曹翼同給事中擇亢旱地
及各廠房居軍民無室者戶部右侍郎吳璽順天府尹姜濤
存問被水家給米一石溺者加鈔五百貫

丁酉遣官告災於昊天上帝后土皇地祇
戊戌初群臣脩省求直言

行在翰林院編脩劉定之上言雨水陰之盛也臣聞扶陽抑
陰在進賢退不肖 皇上日月之明臣下人品固不同知然
公卿侍從有政事言責之寄者尤宜時召俾承清問因以觀
察其才能心術又陽為中國陰為外夷盛夏陽剛之月而陰
雨不止猶中國文明而夷狄未服竊見去年西戎犯順今年
雲南作寇誠宜督兵將脩兵備至於降胡處之京畿從來久
遠多至千萬豺狼之性潛為盜竊不及今潛散其類見唐采

以來士大夫多銜京秩任外事牧子互兼出入游更以備公
卿通練有數矣臣願聖明略倣此制臣又見今令大臣及五
品以上薦舉考官誠為慎選然舉人者其心難公舉於人者
其情難盡竊考唐制嘗參官上任三月內保舉一人自代吏
部記其姓名舉主多者必合公論舉主賢者必為善類遇有
員缺選擇任用臣願聖明亦略倣此制至於守令牧養為先
今有專尚酷毒而以辦集得名自此迂濶仁慈肆為貪婪而
以交託得顯因此鄙賤庶特宜令風憲鈐司詳加密考又古
者人臣有喪君三年不呼其門所以厲庶耻勸忠孝也後世

或以金章大事或以輔弼大臣姑俟起服蓋需求之急今海
內瀾才能不乏文臣遭喪不使終制殊非教本臣又見近來
民有出粟賑濟者表為義官斯亦饑年荒政顧非明時常法
行之不已若見朝廷吝惜官廩德不究於無告惠使出於有
力兼其間誠非好義意在希恩假上之寵光增私家之聲勢
宜准官員誥勅事例犯至某等者坐名追奪臣見識淺薄不
知避諱伏望寬斧鉞之誅使天下才智之士繼續而言臣之
願也疏入留中不下

戊戌授沙州衛都督因即來子阿木哥都指揮僉事

行在翰林院編脩陳文祖母彭氏喪許歸葬

壬寅越王瞻墉薨王國衡州未行年三十五謚曰靖無子國
除妃吳氏死殉謚貞惠

癸卯裁正陽門及沿河收鈔御史及戶部主事

居庸關城橋多雨圯發隆慶永寧懷來等衛脩築

太僕寺少卿白素削籍

七月未朔遣道士齎祀幣往命所在守臣祭歷代帝王陵寢

慶府真寧王秩熒求改冊庶長子 上以父薨未暮輒奏改
切責之

戊申戶部右侍郎鹽城成均致仕均

鄉舉歷官清謹明

大體尋卒

薊易遵化涑水蝗命捕之

庚戌復霍泰汝川知縣食正六品俸

免充萊九江瑞撫贛彰德淮安鎮江揚常大名廣平順德南

昌去年水旱田租

久雨滹沱沁澤之水決饒陽獻縣衛輝彰德命隨且脩築

壬子封彭城伯張輔卒輔彭城伯景子素疾長子瑾嗣爵封
輔未下而卒

金星晝見

癸丑故行在左軍左都督方政子瑛襲指揮使從軍雲南

乙卯脩元世祖廟

丁巳夜月犯建星

庚申免安吉縣貢粟 去歲旱枯

辛酉夜月食

壬戌許雲南軍官土官等納粟金齒陞級有差從按察使賴
巽之請

東昌蝗命捕之

癸亥免兩京各省武職官菜園鈔

甲子鎮守雲南右都督沐昂上潞江之捷陞賞有差

乙丑脩邵伯高郵寶應白馬諸湖堤

行在工科給事中吳昇言御史朝廷耳目理刑特其餘事適

年悉命三品上京官舉保夫御史既蒙大臣舉拔大臣或奸

回不法孰肯舉主之私罄彈劾之公乎乞暫停保例 上是

之廷議御史關於進士監生教官儒士歷一任考最送都察

院理刑半年覆用從之

丁卯行在大理寺右少卿李吟巡視畿南其河南山西令巡

十五

撫侍郎于謙巡視時旱澇互告

戊辰命公侯伯都督俱隸成國公朱勇操習百則科道劾治

内外文武大臣并巡按御史各舉智勇武藝之士待徵御

史給事中任滿九年果廉幹許都御史都給事中各奏保陞

擢後生贖罪及舉主如無奏保仍陞府同知蓋從右都御史

陳智之言

庚午徐宿蕭山蝗命捕之

辛未夜大星如椀赤光燭地出紫微垣古樞星旁流至天囷化

壬申復解伯通任丘主簿貪從一品俸

汰行在戶部等冗官八十員改用

甲戌夜大星赤光出文昌流至近濁後一小星隨之
八朔子朔父雨白溝渾河溢

已卯大星赤白光自參宿流至近濁後二小星隨之

辛巳勅行在右僉都御史張純巡視畿內旱澇撫卹之或賑
濟勸貸

壬午賑南和縣饑

癸未行在右僉都御史王翱捕盜廣信盡獲之還京

丁亥裁保安隆慶二州同知判官并撫民同知各一

戊子行在兵部尚書柴車兼領陝西屯種

行在廣西道監察御史顏繼先按山西好操軍職降廣西太
平府遞運所大使

庚寅增遼東贖邊軍士口糧

左軍都督僉事王瑜卒瑜字廷器山陽人以淮安衛總旗調

常山護衛永樂中告密授遼海衛正千戶洪熙初進錦衣衛

指揮同知宣德八年進都指揮僉事署左軍都督僉事佩漕

運印鎮淮安未年上初實授前職雅尚文學寬大不猛喜

讀史傳而告衆時有枉者疾革自束兩手如繫號呼求解不

報賜祭葬

癸巳夜月犯昴宿

乙未都督僉事武興為總兵官提督漕運

復康英濬縣主簿食從一品俸

勅遼東總兵官曹義等以女直野人諸衛多借貢營私令許
一年來朝或三年不必頻數其市易聽於遼東開原毋來京
丙申南安知府林華言比者提學僉事薛瑄議病生追廩臣
謂疾人所時有罷之足矣給廩累歲追償一朝且使父兄懲
微納之患則孰遣子就學者命行在禮部除其令

免鳳陽去年被災田租六萬五百四十餘石

丁酉命給事中御史各一監收南京各庫追納物料

召回各處清軍御史

夜月犯井宿

戊戌提督沿海備倭官都指揮同知張翥改提督福建都指
揮僉事吳凱提督浙江

旌故汜水縣典史魯泉復監祭御史恤其子孫泉 進士

授御史謫汜水徧復田廬勸貸賑乏墾荒伐木積其羨買牛
助耕造舡紆運三年邑大治沒數年民猶思之河南右叅政

孫原貞請復官追卹報可

罷浙江巡撫官

己亥京師地震

庚子祥符王有燭進封周王慶世子秩燿封慶王

辛丑增南京文武官六品以下官俸月本色米五斗

夜東南方黑雲衡二大南北亘天

壬寅楚王孟皖薨王性敏好學敬慎不失年五十八謚曰莊

癸卯夜流星大小二百六十餘

甲辰監察御史馬昂巡督宣府大同偏頭等關并察軍民利

病

己巳夜金星青白光流壁宿曉刻月犯平道西星

癸酉曉刻月犯亢宿

乙亥復王晏南樂縣丞食從七品俸

十丙子朔裁貴州布政司右叅議按察司副使各一僉事二

戊寅雲南按察僉事鄭雍言為太常寺少卿

復黃紱泗州判官食正七品俸

己卯遣視蘓常鎮江水災存恤之

辛巳起復金華知府蔣勸

甲申宣府大同偏頭諸關早霜傷稼

夜大星青白光出北斗魁

丙戌進廣西思恩州為府初土官知州岑瑛勦賊功進田州

知府而瑛輒欲領田州與知府岑紹交惡時議瑛紹各知府

杜其爭

丁亥作渾天儀璇玉衡簡儀

瓦剌脫不花王貢馬

復遣監察御史巡視山海紫荆等關

遣視常德襄陽岳州旱災

戊子賑廬楊延安嚴擲饑

己丑工部作海運船十有六

廉廣行在兵部司務李儼陸瓛博士陳璞正字沈寅初知縣

陳浩照磨陳巖為行在監察御史

乙未命監察御史點閱皇城各門守衛官軍

丙申復李青山陽王簿食正一品俸

金星晝見

己亥前行在工部右侍郎羅汝敬卒汝敬吉水人永樂甲甲

進士選庶吉士嘗召試不成誦讀成江南尋釋之始力學擢

脩撰秩滿進侍講 仁宗時言事忤旨左遷御史平反冤獄
宣德初進工部右侍郎諭黎利再往冊封陳嵩還督漕兩浙
錄因陝西又督邊餉值中流矢墜馬得免可稱學才幹皆有
庶子論行在禮部都察院曰憲綱一書肇於洪武厥後官制
不同宜因時改書而中外憲臣或任情增益 先帝嘗勅禮
部同儒臣考舊文申明之益之訓戒之言臣下所增並削去
書成 先帝上賓朕今考定益以見行事宜爾部其即頒中
外諸司敢有不遵必罪不恕
辛丑罷龍江大勝關收鈔官

免順天河間保定順德真定廣平大名災租

十丙午弛山海至密雲湖山榛果柴薪魚蝦之利以贍饑人

免隰州災租

丁未行在刑部右侍郎張鳳提督京倉

丙辰捕蝗壽州

丁巳復張恭維縣縣丞食從七品俸

癸亥右叅將都指揮使楊洪為行在後軍都督僉事
萬全都司斷事楊剛為行在河南道監察御史

丙寅免池州去年災租

丁卯以兀良哈掠延安綏德勅宣府等總兵官譚廣邀擊之
戊辰進士劉昭為行在工科給事中

庚午巡守廣東珠池內使王真乞再遣內官增巡兵不許
辛未鎮守延安綏德都指揮同知王禎邀於響水寨敗之
擒五人斬五級獲馬四十

甲戌吳玘嗣廣義伯

十二月脩乾清宮

丙子免萬全都司保安衛屯租

丁丑松潘苗寇作亂命都督同知李安為總兵官右僉都御史

王翱參贊軍務兼督糧儲調兵二萬討之

禁衛所軍官與所屬旗軍結婚

戊寅故哈密忠順王卜荅失里子哈力鎖魯檀嗣忠順王

勅行在右僉都御史張純於順天保定河間永平大理寺右

少卿李昉於真定順德廣平大名各往來巡視民瘼

己卯樂平王冲焚以平涼苦寒求內地不許

壬午署都指揮僉事盛琦往揚州提督官軍備倭初倭寇定
海爵溪大嵩柁渚值官軍則稱貢稍弛即焚剽沃嬰先戲築
剗視孕婦以為笑樂東南慘喪官吏罰論三十六人

起復貴州蠻夷長官司流官吏目張順
癸未定監生越選之禁

庚申 正統五年

正戊申 南京守備叅贊機務少保兼戶部尚書黃福卒 福字如
錫昌 邑人 太學生 洪武甲子 鄉舉 授項城主簿 改清源 皆有

惠政 遷金吾衛經歷 工書 論大計 進工部右侍郎 永樂初 遷
左侍郎 拜尚書 經始北行 部尚書 累年 民得不用交趾叛專
治餉事 平蕪 署布按二司 事威惠 並決 洪熙初 召蕪 詹事後
交趾屢叛 乞福往 無及矣 宣德初 改南京戶部 上初進少
保 叅贊守備 嘗坐襄城 伯李隆勞 楊士奇謂然 而福如故 公
正 蕪怒 年七十一 予祭 葬成化時 贈太保 謚忠宣

袁泰曰 昔孔子稱忠信可行蠻貊 信矣哉 叅利之變 大臣
如陳洽 柳升 輩皆死賊手 而黃公獨免 其忠誠信固結其
心也 予至廣西 聞交人稱公之德 至今不衰 非忠信何以

使然哉

辛亥賑順天保定河間永平饑招真定太原逃民三萬六千六百餘戶免賦三年

甲寅裁大通關副提舉二員

己未 上南郊

辛酉定國公徐顯宗下獄顯宗表姑馮自內出適于戶解剛馮弟倫韓府護衛指揮也母劉氏同居馮迎劉赴京不欲行或曰迎劉顯宗意韓王冲斌言顯宗詐狀獄成命繫之令北方民出穀五百石賑濟者旌為義民復其家外民能出

米豈三百石者亦如之

壬戌復劉岳寧鄉知縣食從六品俸

癸亥監察御史軒輊言御史不得委辦雜務從之

甲子巡撫河南山西侍郎于謙籍流民三萬四千二百三十戶詔優卹曉諭

免追宣府官軍多支馬莖

夜月犯氏宿

丙寅造浙江海舟百二十六艘備倭

丁卯給還鹽商資本鈔

己巳順天推官徐郁翰林院孔目劉烈邵陽知縣何永芳杭
州推官段信太常博士張淑俱為監察御史

壬申行在右副都御史王文為行在大理寺卿

二月亥增行在光祿寺大官良醞珍羞掌醢四署署丞監事各

翰林院侍講學士馬愉侍講曹鼐直文淵閣

占城入貢

賑大同饑

戊寅行在右僉都御史曹翼參贊甘肅軍務兵部尚書柴車

還朝自是遍代為常

己卯蠲江北貧民給官牛一萬牧種

保定大饑給柴炭夫三千九百七十一人月糧秋後停役

庚辰以鶴慶軍民府土知府高倫妻劉氏同倫弟昌等糾羅
羅麼些人軟盟恣暴命雲南總兵官左右都督沐昂吳亮參
將都督僉事馬翔張榮等按之械首惡於京

營建宮殿役軍匠各三萬餘人

夜火星犯井宿

辛巳行在光祿寺廚役白大有奏父年八十無他子乞歸養

工曰禮八十者一子不從政即遣之

癸未署都督僉事李謙都指揮林叢同帥親軍有隙叢被劾引謙獄工俱謫威遠衛立功

甲申增在京飯堂食米

增營造軍月餉五斗外衛來操軍增餉一斗

乙酉行在禮部左侍郎兼翰林院侍讀學士王直還部

丙戌少師工部尚書兼謹身殿大學士楊榮展墓

丁亥定罪囚無力輸贖事例

己丑時討麓川思任發抵隴把去賊巢甚近右叅將都督

僉事張榮先令都指揮盧銳擊賊大敗榮棄符驗軍器以遁

昂等不之救師還勅責總兵官沐昂等留昂鎮守左叅將都

督僉事馬翔協督軍務召副總兵右都督吳亮還京議之右

叅將都督僉事張榮失事貸還三司仍轉餉金齒

庚寅山東按察副使蔡錫為順天府丞

轉德州倉米麥十萬石賑真定保定仍勸貸耕種

辛卯勅左都督沈清少保兼工部尚書吳中提督軍匠營建

宮殿

勅兵部右侍郎徐琦叅贊襄城伯李隆守備南京機務仍理

部事

癸巳廣西奉義州土官知州黃宗隆等請欽至欲殺母命械

宗隆入京

甲午琉球入貢

禮部左侍郎吳廷用致仕

乙未南京大風雨

復趙智陽城典史食從九品俸

庚子夜大星赤光出角宿流至近濁

辛丑監察御史李紀巡撫遠東提督屯種

壬寅欽州民黃寬等叛附安南上命蠲其田租勅廣東三

司招撫之

三 癸卯朔富戶徙京逃者戍之

戊申作奉天葦蓋謹身三殿乾清坤寧二宮其材料俱舊積
故事集而民不擾

己酉復趙豫松江知府食正三品俸

庚戌復耿輝夷陵知州食從四品俸

定大同宣府八月燒荒初邊軍秋深出塞燒荒近備尾刺貢
使入大同十月往多雨雪右僉都御史盧睿乞乘其未育為

便從之

夜大星赤光自軒轅流井宿

癸丑革德州廣川關

丁巳勅諭麓川思任發曰爾遣陶孟刀等貢象錦繡又來貢

知爾悔心特宥爾前罪宜革心向化睦鄰保境庶享太平之

福

戊午沐儼嗣黔國公沐晟子

李郁補行在兵部右侍郎

辛酉以兩京風雨遣告郊廟各壇

癸亥定徽州夏稅等布折銀

丁卯停徵大名逋芻

己巳宥定國公徐顯宗

行在錦衣衛指揮僉事王裕馬順榜囚死諱為病沒驗得之

下銅於獄

辛未夜火星犯井宿

四 朔申朔詔山西歲荒議

癸酉行在浙江道監察御史軒輅為浙江按察使

初靖江王佐敬與弟奉國將軍佐敏互訐命械其內使張信

等廷鞫

丙子廣西總兵官安遠侯柳溥勦羅城縣叛獍

已卯夜大星青白光出北斗杓流紫微東籬

庚辰逮巡撫大同宣府行在右僉都御史盧睿下獄初瓦刺

使回大同總兵官朱冕等欲增給羊二百睿以歲凶止之語

聞計上責狀其詞飾被劾

辛巳行在吏部考功主事宋瑛進士錢溥授官監書於內府

壬午封怕木竹巴瀧頂國師吉利思巴永耐監藏巴藏卜嗣

闡化王

癸未復石浩大名府通判俞正五品俸

行在右僉都御史張純賑順天保定河間永平官民廩穀共

三十三萬一千七百餘石大理寺右少卿李畛賑真定大名

廣平順德官私共十九萬一千六百八十餘石

立平湖梁庄堡倭舡易泊也

乙酉保定蝗遣捕之

丙戌復命松潘祁命簇高巴為淨戒弘慈國師初鎮守松潘

都指揮同知趙諒惡高巴誘執之掠其皆謂糾眾寇邊遂命

都督李晏等右僉都御史王翱以兵往已聞其枉翱出高巴

於獄招所劾皆聽命還商已銀印誅趙諒松滿遂平
戊子陝西布政司經歷計珩為行在山西道監察御史
鑄總督管糧閔防二給宣府大同叅政劉璉沈固
己丑平定奇嵐朔代壽陽靜樂靈丘等饑民流徙命賑卹
庚寅開封彰德兗州俱蝗遣捕之
辛卯江西提學僉事王鈺秩滿謁都察院左都御史陳智不
聽訶之引疾致仕鈺博學守正在江西大得士議者惜之
乙未嚴違例收息之禁時駙馬都尉石璟舍人私徵子錢故
下都察院懲而禁之

廿九

丁酉武陵王季規進封楚王

平涼大雨雹傷人畜田禾

戊戌賑永平開平龍門懷來隆慶保安等衛軍餘

滿城大雨雹

庚子復唐九萬上元王簿食正七品俸

五胡寅朔順天廣平河間順德蝗遣捕之

刑部主事黃瓚視獄淫貪左副都御史周銓劾之瓚亦誣銓
失實成邊

癸卯永平大長公主乞薙溝橋免權所布蔚州之木不許

甲辰行在兵部左侍郎鄭本右僉都御史丁璿翰林院侍講
學士曾鶴齡編修董璘清理武臣貼黃

孫顏衛都指揮同知孫羅子貢使還易犁鉏閔吏止之詔聽
歸

乙巳潘陽中屯衛卒訴日操饑其孥乞農時暫耕資養 工
從之著為令

丙午曉刻金星犯土星

壬子楚府壽昌王孟焯薨年五十八謚安僖

應天鳳陽淮安蝗遣捕之

許濟南輸布准夏稅

癸丑降左都督沐昂都督同知械右都督吳亮都督僉事馬
翔等入京錮於獄

甲寅前廣西提學僉事陳遜服闋補江西提學僉事

丙辰慶都大長公主薨 駙馬都尉桂敬

賑無為州饑

庚申偃師人閏泰進白兔

華亭上海水災徵布二萬匹每匹折糧二石

丁卯減通州衛開荒田租

翰林院脩撰吳縣施槃卒年二十三

戊辰湖州紹興大雨水傷麥

六朝未朔壬申勅行在右僉都御史丁璿往雲南金齒預備糧

料

乙亥陳循服闋補行在翰林院侍講學士

丁丑免去歲災傷田土糧鈔順天保定真定大名順德蘓常

淮安糧三十九萬六千一百七十一石芻鈔等有差

戊寅巡撫直隸工部侍郎周忱賑蘓松常鎮水災

諭法司既滯獄

庚辰免山西逃戶糧六十五萬四千七百四十五石有奇

壬午宥吳亮死降都督僉事

甲申赤斤蒙古衛都指揮使且旺失加為都督僉事

賑宜川縣饑四月雨雹傷稼

丙戌衢州饑售民倉穀

丁亥行在吏部文選郎中吳敬為北京行太僕寺卿行在刑

部郎中仲昌為京太僕寺卿

庚寅德州清平觀城臨清館陶范冠丘恩蝗

辛卯固始訓導黃俊乞再頒高皇帝孝慈錄從之

部侍郎李庸治渾河決隄

甲午令進士觀政一年監生歷考中并坐監三年以上有學識者由吏授官歷兩考廉潔愛民才識相稱者悉得保舉送吏部考用後犯贓罪連坐

陝西饑甚命賑之

乙未行在翰林院侍講劉球請疏京城積水從之

丁酉行在右軍都督僉事吳亮為征蠻副將軍副總兵鎮守湖廣貴州都指揮僉事張善仍參將

談遷曰沐昂吳亮以十萬之師問罪麓川逗留致欺詔旨

詰責復輿而北殆無生理旋宥旋擢豈秦誓之用孟明耶
湯網雖開操左契以冀後效而邊臣覬倖之念此避彼營
其何道以止之乎

賑延安衛饑

夜大星赤光流至近濁

戊戌沔州衛大雨雹傷稼

己亥行在刑部主事張用瀚同右侍郎何文淵糴粟儲備
咸寧大長公主薨駙馬都尉西寧侯宋瑛

庚子汶上大雨水溺田禾

七月辛丑朔初大學士楊士奇言備荒之政於是行在刑部右侍郎何文淵往畿內行在戶部主事鄒來學往江北行在刑部署郎中劉廣衡往浙江監察御史薛希璉往江西行在刑部郎中王瑄往山東行在戶部郎中王綸禮部員外郎王士華往湖廣其江南命巡撫侍郎周忱山西河南命巡撫侍郎于謙陝西命鎮守副都御史陳鑑四川兩廣雲南貴州福建命布按二司正官賜勅

賑鞏昌臨沆寶應饑

壬寅復慕寧山西山陰知縣食正六品俸

少師工部尚書兼謹身殿大學士楊榮卒榮字勉仁建安人

建文庚辰進士授翰林編脩壬午迎文皇帝被選直文淵

閣付之密務而兩制悉歸焉日承顧問率漏下十數刻始退

警敏通練往寧夏視師規畫稱旨進右庶子兼侍講尋母喪

起服從北巡復使甘肅既還又使亦集乃從北征始奔喪又

使甘肅征從瓦剌進翰林學士上言積弊進文淵閣大學士

兼翰林院學士甲辰駕次榆木川受遺命仁宗初進太子

少傅兼謹身殿大學士尋兼工部尚書宣德初勸親征高煦

久之進少傅歷少師與楊士奇楊溥協恭輔政時稱三楊士

奇曰西楊溥南楊榮曰東楊而果斷之才卒歸榮也立朝四十年當大繫未決者取片言信又周習地理兵將險阨強弱然於禮樂儒雅則無稱焉是春展墓還卒杭州年七十贈左柱國太師謚文敏賜祭葬子恭蔭尚寶司丞

廖道南曰宋儒有言德勝才謂之君子才勝德謂之小人信斯言也豈得謂之才哉夫國家多難羽檄旁午匪才弗達上下多違蕭牆交構匪才弗定醜。窺伺內猜外疑匪才弗靖奸雄僭竊彼甲此乙匪才弗協是故陳平燕居深念張良借箸前籌才矣而謂之小人可乎或謂文貞正而

不譎文敏譎而不正則予奚敢

何喬遠曰楊榮歷事四朝善承人主意音靜而正之成祖愛趙王與榮語榮以王相貌對愛頓地而太子益安翰林學士錢習禮者與練子寧有親奸黨禁嚴鄉人敬持之習禮殊不自安榮來間言上工欣然曰令子寧在朕固用焉遂下令禁止夏原吉吳中下獄呂震順上意言二臣柔奸榮獨為解宣宗中都御史劉觀坐贓下獄觀子輻亦不法宣宗欲重觀死刑榮為請上發為邊吏榮曰發邊吏等死耳天下無謂陛下辱大臣耶上曰

卿欲父子俱貧乎榮曰宜發子邊戍令觀隨居上曰善
談遷曰史稱文敏隨機無媿應變唐姚崇而有所不檢亦侶之
盖好通賓客無崖岸也噫彼年少未更事文皇帝又武
斷絕世同七臣於綸扉之上朝政鞅掌而料敵制勝出入
邊圉馬援聚米為圖無能喻焉樹效如此即餐璧之及猶
之塞門反玷也何足污簞簞而涅素絲哉

遣視順天保定河間順德廣平金華衢兗水災懷慶衛輝蝗
臨沅山西行都司雨雹
中都大龍興寺火

廿五

乙巳四川都指揮僉事王果高廣守松潘

丙午復韓謹陽城知縣食正六品俸

丁未雲南總兵官都督同知沐昂言麓川思任發糾百夷數
萬屯孟羅大掠據者章棟寨臣率都指揮方瑾指揮柳英王
官知府陶潛等進克之斬五百餘級賊宵潰又威遠州土知
州刀盖罕戰於威江又敗之

戊申武安侯鄭能牧馬通州受賂被劾下獄謫獨石衛自贖
己酉木邦宣慰使罕盖法陶孟刀板放等同祖母美罕板擊
思任發於孟彌孟臉殺渠帥二十人斬三萬餘級獲象馬兵

械甚衆事聞封美罕板太淑人罕蓋法懷遠將軍賜金帶綵幣

庚戌夜大星赤光出宗人流至雲中

壬子招廣東黃連大羅諸山獠人

脩容城縣決隄

癸丑臨沱衛大雨雹傷稼

甲寅夜木星犯壘壁陣

乙卯廣西羅城縣賊韋公振等招之不下命勦之

戊午前行在刑部尚書金純卒純泗州人贈山陽伯

廿五

己未各省按察使專理屯田

設四川芒兒者寨阿角寨安撫司滿幹寨長官司

甲子增海道御史五人

乙丑應天府治中檀凱為府丞凱秩滿巡撫侍郎周忱言其端謹得民也

丁卯汝寧知府李敏為應天府尹

廣東右布政使石首劉永清致仕

戊辰行在禮部以慶王上瑞麥瑞瓜稱賀不許

夜大星赤光一自天市西垣一自羽林軍俱流近濁

前軍署都督僉事李謙卒南陽人襲羽林前衛指揮使
八朔午朔陝西右叅議赦散過華池驛呼驛丞張耕野不至杖
死之謫散戍大同

辛未復范袁壽昌知縣

壬申工部右侍郎邵旻脩都城

癸酉巡撫江南行在工部右侍郎周忱為左侍郎仍巡撫

丁丑夜月犯東咸

戊寅置河東運司儒學

己卯瓜哇貢使回國值風覆溺五十六人餘留廣東俟國人

至附載

行在戶部尚書劉中敷奏大同宣府歲稔旗軍給糧請代以
布上曰邊士執戟而暇耕乎稔亦給之

庚辰賑揚州杭州饑

保定大雨雹傷稼

壬午復莫愚常州知府食正三品俸

乙酉禮部左侍郎吳廷用卒

丙戌行在錦衣衛指揮僉事王息故居朝鮮磨鉄嶺至是貢
使金振胞兄也求見振并延款諸使許之

己丑淮安同知楊理為知府
壬辰復黃惟順聊城縣丞仇運益都縣丞俱食正七品俸
增陝西官吏人等俸米右叅政年富言粟支十年易朽腐量
給本色從之

乙未進士戴瑞為吏部主事

丁酉沙州衛都督同知困即來為右都督

故四川都指揮僉事陳珮故貴州都指揮僉事王輅顧勇贈
都指揮同知皆賜祭

夜大星青白光自弧矢流至雲中

共

九庚子朔初建州左衛都督僉事凡察走朝鮮尋歸建州朝鮮
國王李禔以凡察窮歸臣而善過之今背德必索馬凡察以
留其私屬請檄還否者隨以兵詔兩解之諭李禔曰國家以
王為東藩如凡察直夷畜之何敢望王彼其懷鳥獸心去留
亡恒王第善自備毋與較

行在前軍右都督韓僖卒賜祭塋追贈沁陽伯謚榮襄
哈密都督皮刺納通胡謀殺忠順王倒瓦荅失里其兄撒蠻
赤同弟馬哈失力頭目猛哥瓦等力捍之得免事聞進檄蠻
赤都督同知倍養之

壬寅 上作觀天之器銘

許雲南煎鹽罪人納贖

癸卯 柳城頭目米兒咱阿都刺入貢

乙巳 博興知縣梁吉襄陽訓導馬進俱僱喪削籍

丁未 河南衛河提舉司改山東衛河提舉司

戊申 遣御史清軍陝西廣東福建浙江江西

脩海鹽縣海峴

乙卯 八百大甸軍民宣慰司使刀招散等入貢奏土人不通

漢語乞如永樂例仍通事賚金牌信符催貢從之仍護使來

往

丙辰 裁廣西理定縣入永福縣

盡免山西柴炭

勅鎮守遼東太監 總兵官都督僉事曹義凡海西哥吉

河黑龍江等處野人女直苦納亦里加納等來朝貢擇譯人

護行厚撫之

癸亥 夜月犯軒轅星

乙丑 夜大星赤光自五諸侯入參宿

十庚午 朔蘭縣莊浪地震聲如雷十日乃止壞城廬入畜甚衆

乙亥中外官缺命吏部會廷臣舉可任者既舉復命尚書郭
璉精覈之

戊寅宜君知縣王奎調合水奎嘗丞合水其人乞還之

切青行在都察院右都御史陳智罰俸三月智銜山西按察
使徐永達令巡按御史吳昌衍孫睿索詬不得署昌衍等下
考各不服疏其枉大見劾

行在河南道監察御史周璵為鄭府右長史時鄭王瞻垓怒
輒斃人故命璵嚴之仍書戒王王稍戢
甲申行在金吾左衛帶俸都指揮使康能言比賜脫、不花

王及平章伯顏帖木等復索諸部賜臣借官軍錄改六百六
十一雙布五千八百七十匹予之求給還行在禮部謂貪胡
無厭宜折以大義奈何輒歛軍實長其奸萌且珠域所借疇
為券之遂不許

欽州人黃寬等不受命守臣以聞又考州志西南銅柱西北
分茅嶺今嶺內三百餘里柱內二百餘里悉入安南乞還其
地則叛民不招而至矣下兵部俟貢使至諭之

丙戌思任發頭目陶孟忙怕等入貢禮部議減其宴費上
曰彼來雖緩我師而朕不逆詐遂齎而不宴賜勅諭之

庚寅夜月犯軒轅大星

辛卯起復保德知州田耕

曉刻月犯靈臺中星

癸巳廣東右布政使孫曰良父喪適命總督廣西預備倉糧

水利訴其情命奔喪訖赴任

甲午復黃致賢應縣丞從七品俸

叅贊寧夏軍務右僉都御史金濂請禁伐賀蘭山木從之

乙未翰林院侍讀儀銘脩撰楊翥為邸府左右長史

己亥莊浪衛地震

十庚子朔通州同知李經以劇才部民求為知州而格未及

上特從之順天府

壬寅行在右僉都御史張純調都察院刑部右侍郎吾紳調

禮部吏科都給事中鄭泰為刑部右侍郎

賑嘉湖台處紹興寧波金華旱饑

丁未行在工科給事中吳昇言中外言事有切直者會議之

時執政或曰中已病或見與已卒故輒曰護駁令指實乞勅

自今會議可行則允不可行則止毋駁言者以通下情從之

戊申行在戶部主事鄒來學言江北糴粟預備不多乞暫令

馬課入粟從之

唐戎大藏經刊成六百三十六函六千三百六十一卷 上

序之

辛亥鄭州學正沈衡訓導陳永張斌史濡為監察御史

壬子免蘓松常鎮杭嘉湖田租百三十四萬六千五百五十

石

行在工科給事中吳昇言四事曰京官保薦方面官縣令可

暫而不可常否則有賄賂請託之弊曰給事中御史九年任滿

令都御史都給事中連名舉薦陞用若此則人悅求進莫肯

持正慮見忤矣乞一歸其責於吏部曰給事中近臣頃大臣

推薦即中等官不及給事中乞拔一二為勸曰詔求賢良方

正文學才行等多勢豪子弟徒負虛名今後果通經曰儒士

果才幹曰秀才不必立科 上然之命方面官郡正官如

先朝勅旨會舉知縣吏部自選授之給事中有才行者同御

史例舉滿九載吏部考覈推用因勅吏部毋朋比請託如濫

薦即以聞

甲寅浙江布政司叅議武達按察副使王豫專理浙西預備
之政

乙卯勅雲南總兵官都督同知沐昂等招諭維摩阿迷彌勒等州妖人

丁巳有僧年九十餘自雲南至廣西語人曰我建文帝也張真人云我四十年者今期滿宜返宗國遂書黃紙令徒清進投思恩土官知府岑瑛瑛送總兵官柳溥所械至京廷訊則鈞州白沙里人楊應祥洪武十七年度為僧歷游西南銅詔獄四閱月死同僧十二人俱戍遼東程濟從亡隨筆云庚申四月師題寺壁詩有長樂宮中雲氣散朝元閣上雨聲愁之句有游僧冒所作五月其僧詰言建文帝事聞藩司司囚

繫僧并繫師

建文帝稱師

蓋同寓於寺故也

蜚章以聞詔械入京

師不敢承但

令程濟從

八月師至金陵九月師及諸僧至京

朝廷命御史鞠之僧稱九十餘歲且死思附葬祖陵御史以

壬午迄今僅三十九年何及百歲廉其狀僧實楊應祥鈞州

白沙里人奏上僧論死下錦衣獄從者成邊師先有南歸之

思適值此竟陳其實御史疏聞命太監吳亮往察不能辨師

曰我昔飲便殿汝伏而受遺囑於地遂忘耶聞楊士奇尚在

得見手亮大慟密以聞遂命迎入稱老佛養大內程濟聞師

入內歎曰今日方終臣職矣乃入雲南焚其廬散其徒紀始

過冠會過官軍僅免甲午四月月遣濟募糧九月師學易數
發濟乞藥於城西三日乃叙師飲獲愈十月師命此中久居志
亡傳藏之山下巖中為叙師二月十日師命此中久居志
入覺之因下於鶴慶山中叙師二月十日師命此中久居志
至衡山戊戌三月移居卷西至黔一丁酉二月十日師命此中久居志
庚子六月有詩云登高不勝待東翹月首師但見雲從故國飛游諸
勝登峨嵋有游海南名勝十東翹月首師但見雲從故國飛游諸
避巖於南陽賦弔古樓吟歌癸卯二月還卷命從任寅四楚地師
諸勝於章臺山賦弔古樓吟歌癸卯二月還卷命從任寅四楚地師
啼勝於章臺山賦弔古樓吟歌癸卯二月還卷命從任寅四楚地師
七師留遊漢山陽登甲辰二月還卷命從任寅四楚地師
家於潮音洞五別山寧波六日渡蓮花下猶至吳江朔史仲樹
士於潮音洞五別山寧波六日渡蓮花下猶至吳江朔史仲樹
從亡諸人於前師始歸竟月自閣還山乙巳正月朔史仲樹
亂師命濟從入蜀前師始歸竟月自閣還山乙巳正月朔史仲樹
已深山雲水月傍開吟塵心銷盡無此子不受人間物色侵

末以付了空名曰從亡隨筆師沒葬西山不封不樹題曰天
下大法師之墓程濟從亡隨筆師沒葬西山不封不樹題曰天
入神樂觀十六月帝出西華門沿河走登舟申刻抵南門乘月
六日別史仲彬附舟至京平家陸行至襄陽九月十日
五日別史仲彬附舟至京平家陸行至襄陽九月十日
往真慶寺正月至三日慶到雲南已平家陸行至襄陽九月十日
十日別史仲彬附舟至京平家陸行至襄陽九月十日
日別史仲彬附舟至京平家陸行至襄陽九月十日
州到仲彬家於杭九月初九日
往馬山師往西平侯鼎家善慶里師及諸弟離台
山卷丁亥丙戌二月月師齊祭死難諸人自為文哭之結
月卷丁亥丙戌二月月師齊祭死難諸人自為文哭之結
里卷丁亥丙戌二月月師齊祭死難諸人自為文哭之結
建教幸卯春到襄陽遂毀卷已彼蜀師還浪真濟曰其地願一佳弟募
名建教幸卯春到襄陽遂毀卷已彼蜀師還浪真濟曰其地願一佳弟募
應教幸卯春到襄陽遂毀卷已彼蜀師還浪真濟曰其地願一佳弟募
名建教幸卯春到襄陽遂毀卷已彼蜀師還浪真濟曰其地願一佳弟募

四四

戊申五月濟從師游神女廟七月游黃牛磯十月游溪中
已酉二月師至成都再宿而去五月還至浪穹六月到鶴慶
山中唐武四月師至延安七月東行至蜀九月至夔阻雪
陝西之行四月至公安五月武昌在赤城九月游杭州
子正月入楚至安五至武昌在赤城九月游杭州
吳山十一月游天台會稽八月還故焚乙卯甲寅五月師命
濟從入吳何洲死八丙辰八月還至滇卜築舊日之浪穹粵
西行不果十月游峨眉十一月還至滇卜築舊日之浪穹粵
丁巳五月師游峨眉十一月還至滇卜築舊日之浪穹粵
從行已未四月濟勸師還滇不聽其歸妹濟拊几曰大凶謂
齊曰我決意東行子盍為我著得先之歸妹濟拊几曰大凶謂
今大歲干支皆金火必為我著得先之歸妹濟拊几曰大凶謂
勉之行夏之時其危乎

薛應旂曰弘治中禮部主事楊循吉請追謚建文以景
皇帝及元順帝為比謂以親言之固當眎景皇以避

位言之尤當眎順帝追謚之與豈容已哉伏覩天順初

英廟憫建人亡辜釋其因而聽其出入萬曆改元詔復死

事諸臣祀於其鄉則加建文謚號此諸景帝行當恭覩

盛典矣

錢士升曰從亡二十三人惟程濟與師始終雖饒智數實

天鑒其忠精也師在重慶時病痢雪和尚以柏葉丸進三

服而愈結茆白龍山時師復病不得前藥濟採柏葉為湯

療之師慟念方黃諸臣鬱、病劇者數年逾年而後起適

郭節程亨史仲彬等來見師骨立幾不支皆環泣莫能仰

視後濟亦病師親為煮糜坐榻旁不離刻濟曰濟不死濟何敢死顛沛君臣相依為命如此嗚呼或曰高翔與程濟約翔願為忠臣濟願為智士及濟從君亡朝夕周旋險阻深箐霜雪窮寒未嘗或變此智巧之士所不為者而濟為之何與曰此乃濟所以為智也孔子稱甯武子愚不可及愚政智之深者耳今濟行遜空山孰與宛犢乞食種圃孰與橐籥以萬乘之威物色於天南海西之外危機密網孰與深室之坐醫紓之醜而卒能脫然繪繳臣職克供貞固足以幹事濟之謂矣故曰非天下之大愚不能成天下

之大智非天下之大智不能成天下之大忠

談遷曰王即托成帝之子邯鄲響應成遂假衛戾之名北闕聚觀所謂黎丘之鬼惑於其似也初政如孫國朝歌暮吟而又天崩地隕行道傷惻脫喉間作聲不無勝廣立楚之憂自今觀之遜荒行野終其身魚服以泰伯子臧自晦倦羽知還首丘得瞑天之默相固自不爽惜乎楊文敏有負於當日也壬午諾責已媿周是脩况廢興易代之久寧留餘面以相見哉聞嚴尚書震直使雲南道見帝悲愴吞金而死噫革朝舊臣之死晚矣實錄第書粵僧之偽不

知因偽得真蓋微有所諱也史雖闕文義不容沒云
辛酉夜莊浪衛地震有聲

癸亥夜天鳴明日地復震

乙丑雲南瓦甸長官司早貴執於思任發脫歸進安撫司

雲南師宗州賊金即刺金福阿年偽稱帝后總兵等糾眾千
人沐昂遣兵擊敗之斬金福擒阿年金即刺奔貴州阿年伏

誅

丁卯召鎮守松潘總兵官都督同知李安還京

初雲南總兵官都督同知沐昂等議麓川險遠攻之非十二

四七

萬人不可今官軍止四萬六千餘宜徵之湖廣川貴各委善

戰指揮分三道灣甸芒市騰衝約日並進上下廷議太師

英國公張輔等分兵勢孤彼或扼險邀我非萬全計宜擇大

臣克總兵官往雲南專征上善之

戊辰起復紹興知府羅以禮

十二月己朔脩中和韶樂器

勅行在右僉都御史丁璿雲南選兵集餉

庚午賑柘源萬縣饑

辛未寧遠伯任禮為平羌將軍總兵官鎮守甘肅定西伯將

貴還京

甲戌司禮監火者賈麥兒干請吏部尚書郭璉戶部尚書劉
中敷工聞之戒璉等械麥兒於司禮監

壬午免應天淮揚萊彰德南陽開封衛輝懷慶田租五十六
萬九千三百三十七石

癸未起復雲南布政司右叅政張鉞仍提督金齒等處糧儲
乙酉右春坊右中允吳餘慶為通政司右叅議

丙戌定四夷貢使朝參止正副使給馬

戊子進士胡拱辰焦寬為監察御史

起復嘉定知縣袁昭

增科額會試百五十人鄉試應天百人順天八十人浙江福
建六十人江西六十五人湖廣五十五人河南廣東五十人
山東四川四十五人陝西山西四十人廣西三十人雲貴二
十人從國子祭酒陳敬宗之請

庚寅韓王冲城薨王孝友恭儉樂善循理聲聞中外年四十
五有惠迪堂集千篇餘謚曰恭

辛卯起復山東布政司右叅政洪豫

癸巳起復邳州知州郭珏

甲午山西流民復業萬一千五百五十三戶
免池州絕戶漁課

丙申貴州都指揮使宮聚徵兵討麓川私受賂命徵金媿之
丁酉勅曰欽天監言明年正月朔日食凡九十一秒故事日
食不一分者不救護朕惟敬天之變毋敢豫康况茲獻歲其
以是日免賀行救護如常儀

是年脩京城工部侍郎蔡信議役十八萬人
工命太監阮
安役營卒萬人均勞加廩即歲而竣

辛酉正統六年

正月亥朔日如不食行在禮部請賀不許
丙午夜大星青白光自張宿流至近濁

庚戌上南郊

壬子行在右僉都御史王翱鎮守陝西盧睿參贊寧夏軍務
代陳鑑金濂歲一更時鑑濂久鎮

惠安伯張昇卒昇 太皇太后弟也國初累官羽林衛指揮
僉事 宣宗為皇太孫昇嘗隨侍甚恭生平循理奉法沒戒
子孫諄切士林多之

夜月犯軒轅大星

右軍都督同知徐育卒

鳳陽人藝大典左衛指揮僉事從靖

癸丑召都督僉事劉聚還京

增外衛知事

行在刑部右侍郎何文淵言麓川之在南陲彈丸耳疆里不
過數百人民不萬滿餘大軍易克然得其地不可居得其民

子十

不可使宜寬其天討與我羽旄之舞官軍於金齒且耕且守
仍遣官宣諭俾感虞舜之敷德同有苗之格心計不勞征伐
而稽首來王矣事下廷議太師英國公張輔等謂思任發也
職六十餘年屢抗王師釋此不誅恐木邦車里八百緬甸等
夷覘視窺覷示弱小夷非策乞選定西伯蔣貴都督李安劉
聚都指揮官聚再保為總兵官及左右副將分統南京湖廣
川貴官土軍人仍命戶部左侍郎徐晞往來巡督先遣諭禍
福或詣軍門納款又諭木邦車里八百緬甸大侯等起兵協
力刻期並進 工從之

定西伯蔣貴為平蠻將軍總兵官都督同知李安為左副總兵
都督僉事劉聚為右副總兵都指揮使官聚都指揮僉事丹
保充左右叅將行在兵部尚書兼大理寺卿王驥總督軍務
率兵討麓川思任發蔣貴王驥先赴雲南會計軍餉李安官
聚領川貴兵劉聚再保領南京湖廣兵

王世貞曰李文達有經世才其所持論麓川事甚正但公
生當其時而所記有不能無牴牾者謂麓川初叛沐晟尚
在彼時遣人宣布朝廷恩威赦其罪撫安之未必不從遂
輕動舉兵而另遣將以致王師失利此大悞也按正統二

年十月雲南南甸州知州刀貢罕等奏麓川宣慰思任發
侵奪其羅十思莊等二百七十八村乞遣官賚金牌信符
諭還所侵地詔沐晟處置以聞自是思任發不奉詔因發
兵侵噬不已而討捕之命下矣然每歲未嘗不撫諭也後
遣沐晟為大將總兵而都督方政為副攻敵，逐北渡潞
江遇伏敗沒晟引兵還上疏請罪逾月暴卒人以晟為服
毒今云不委晟而另遣將以致王師失利何也又云麓川
不如中國一大縣縱得其地於人何利益而軍需所費萬
萬不可計兵連禍結以有今日此又大謬也 高皇帝命

潁川侯以三十萬衆下雲南大理而文皇帝復命新城
侯以八十萬衆下交趾以故諸土夷環雲貴二廣以十百
計咸惕息而不敢動迨宣德初柳升王通再敗黎利而捐
交趾益之中國自是輕矣麓川之所以驚肆為棄交趾也
若再敗於麓川而竟不誅則土官之弱者不二十年而為
强者有矣强者不誅而益強則中國之在西南者亦非我
有矣其所以失在中國之政不脩而驢等之用兵未盡善
也不然潁川新城之大興甚於麓川倍矣何以不為天下
累也

丁巳寧世子磐烱堯孝友仁厚有淵騫之譽謚惠莊世子

戊午行在金吾左等衛帶俸都指揮同知方瑛王斌都指揮
僉事徐定署都指揮僉事李信黃讓皆戰將從征麓川

建州左衛指揮使董山為都督僉事

行在翰林院侍講劉球上言周伐崇不克即脩德待降至獵
祝則城朔方備之漢征南越不利即罷兵至匈奴雖和親猶
募民入粟備邊蓋釋小敵防大患也今麓川殘寇僻居南徼
滅之不為武釋之不為怯奈何復議大舉欲屯十二萬兵於
雲南以急其降夷性不可驟馴地險不可用衆畧兵不可久

淹皆兵法所忌臣謂宜緩其誅如周漢之於崇越也若北
猶古獵狁匈奴世為邊患今雖少抑然部曲尚強戎馬尚衆
今欲移甘肅守將以事南征恐邊人以此為不足慮遂弛
其防卒然有警或致失措臣謂宜防其患如周漢之於獵狁
匈奴也伏望 皇上罷大舉之議分屯金齒且耕且練乘間
進攻寇可自服至於西北邊謹烽堠脩城堡選將練卒豐餉
備械庶幾無患 上不聽

已未吏部考功主事夏瑜為員外郎
唐申復况鍾蘓州知府食正三品俸鍾敦本抑訟務淳閱有

隱士杜瓊鄒亮薦於朝力辭不上鍾甚禮重之秩滿當遷郡
人乞留

劉鳳曰國家故事守令皆得自言事故往者若姚守善况
守鍾其德入人深固亡論而干旋之風至今誅之所薦達
者亦甚衆若今雖未嘗禁之而不敢言上者以畏部使者
歛白又恐卻遂顧望用為俗矣

壬戌梁王瞻垣薨王資度英偉好學不倦年三十七子謚曰
莊

徐學謨曰安陸故郢地鍾祥松林之山隱、陰、盤礴鬱

葱砥柱洪流龍翔鳳翥故興王地也乃郅封六年而絕梁
封十年而絕正德末始啟 肅皇帝入繼大統豈地靈至
是方驗耶

復傳善灤城知縣雷震主簿俱進俸一級

甲子元刺使者辭歸賜可汗書又賜太師淮王也先書俱厚
賚之淮王太師者酋大號也是時衆皆服屬也先脫
不花其可汗名而已顧下妻也先姊王臣並使貢我亦兩勅
答之賞賜繒綵帽纓珠寶靴刀琵琶火撥思之屬不可勝計
及其妻子部屬皆有等差針線脂粉絨絨等具

省大同內地守墩官軍行糧

遣視建平衛辰沅柳長沙重慶旱災

己丑諭都察院遣御史二人禁約南征軍

丁卯饒州推官艾茂為行在山西道監察御史

二戊辰朔陝西按察副使陳斌協贊延安綏德軍務

壬申裁行在光祿寺四署署正署丞監事十六人裁河南布
政司及衛輝懷慶彰德河南撫民官

甲戌勅戶部左侍郎徐晞右僉都御史丁璿分督轉運南餉
山東都指揮僉事張安從征麓川引疾錮之

乙亥行在兵部左侍郎清理貼黃鄭辰還部
鎮守延安綏德都指揮使王禎為右軍都督僉事
夜月犯井宿

戊寅命布絹折大同軍餉兩月
給雲南木邦緬甸車里八百大甸威遠大侯施甸各長官司
信符金牌各一將令討麓川也

己卯右軍都督僉事羅文萃

復韓福肇昌知府食從三品俸復王弼高陽知縣食從六品
俸

昌邑人王坦請復膠州河故道通海運報寢

夜月犯上將星

壬午轉粟二十萬石於金齒

癸未行在山西道監察御史房威讞獄失入謫涿水知縣
發官廩三十五萬石杭州平糶

甲申右監丞曹吉祥鎮守雲南

丁亥少保禮部尚書兼武英殿大學士楊漣省墓中使護行
嘔罕河衛都指揮同知乃勝貢馬求陞進都督僉事
復齊翼太和王簿食從一品俸

庚寅金吾右衛帶俸指揮使蔣斌薦授署都指揮僉事
監察御史韋廣服闋入京言臣廣西慶遠人自永樂二十年
宜山思恩忻城獠獍黃公檀韋萬廣等入寇鎮遠侯顧興祖
兵往皆遁兵退仍入寇後都督山雲進勦斬獲亡筭忻城殘
賊委土人莫賢撫服惟宜山之莫往清潭等村思恩之川
山廣南等里猶朝降暮叛軍民積毒乞勅總兵官柳溥發兵
搗穴置長官司以撫其餘 上嘉納之
浙江左布政使黃澤以撻鹽運使丁鑑又擅歛部民三千金
備官物命削籍

壬辰起復貴州按察僉事屈伸
免開封彰德大同順天保定大名河間鳳陽鎮江米麥木棉
有差

乙未起復山東按察副使王憲

三湖戎朔廣宣府大同也田裁冗費

庚子下行在兵部左侍郎于謙獄謙初舉叅政王來孫原貞
自代被劾至是來朝復被劾
戊申戶部右侍郎王瀹致仕
己酉賑中都皇陵等衛饑

辛亥行在刑部右侍郎張鳳改戶部

太師英國公張輔及府部奉命選都指揮紀廣等四十四人

上命讀武經百將傳講略練武特試而用之

壬子行在大理寺少卿李昉考察官吏有私削籍

癸丑書止淮王瞻塏入朝

署遼東都司都督同知王真卒真盱眙人本定遠前衛指揮

使在邊三十餘年廉勤果決吏卒信之

乙卯免陝西累歲鹽課

戊午翰林院侍講學士魯鶴齡卒

己未都督梁成署都督僉事許瑛提督官軍牧馬

行在右副都御史陳鎰回院

庚申起復宛平知縣馬俊

癸亥起復金華知縣余寬

賑淮安鳳陽揚滁和徐杭紹興饑

南京大風折孝陵樹覆溺五十餘人

甲子召復行在翰林院編修江淵賴世隆檢討李紹何瑄俱

剝員需命

四期辰書止荆王

瞻塏

來朝

己巳禁僧道私創寺觀先是巡按直隸御史彭勗疏其狀
禮部左侍郎陳璉致仕

庚午巡撫南畿行在工部右侍郎周忱兼領浙江嘉興湖州
稅糧從民望也

壬申李暹服闋復行在通政使

甲戌花朝節始賜文武百官宴

乙亥命行在戶部右侍郎陳璉通政司右叅議王錫大理寺

右少卿顧惟敬寺丞仰瞻光祿寺少卿王賢分往順天保定

真定河間順德廣平大名淮安鳳陽捕蝗

丁丑賑望江縣饑

己卯以去冬至今少雨雪屢大風蝗生遣告於天地社稷山
川諸神

壬午命歷事監生有携家者給月粟一石

癸未行在右叅都御史金濂回院時盧睿代往寧夏

勅廣義伯吳玘還定州統領流胡

戊子逮山西布政司左叅政王來下獄巡按御史曹泰劾其

徵糧酷急也

庚寅復命監察御史分巡陝西邊衛

壬辰復判瑜寧國府照磨食從八品俸

甲午故奉化伯滕定子福襲 衛指揮使

勅法司選官分錄天下疑獄於是監察御史張驥李廷芳姜

永刑部郎中林厚周得琳彭謙方彰員外郎蕭維禎主事竺

淵大理寺正李從智評事王亮馬豫推擇往賜勅以行

五朔戊尾刺大師也先等首馬

故中軍都督僉事胡榮卒妾陳氏自經贈淑人

廣西都指揮僉事史雄馬文等勦潯州盜濫殺四百八十餘

人被劾 上命巡按御史逮訊并責總兵官柳溥參將田真

子九

辛丑復李翔扶溝典史楊青尉氏典史俱秩滿食從九品俸

壬寅設京衛武學教授一訓導六

戊申特給行在禮部左侍郎兼翰林院侍讀侍講學士王直

王英

誥封贈祖父故事文臣例滿九載至是方三載乞恩

行在鴻臚寺卿賈庠卒

雲南總兵官都督同知沐昂言先遣署都指揮僉事李福以

一千人進攻麓川破寨十二斬百五十級令瘴威俟秋往從

之

已酉廣東按察僉事彭珣上五事崇節義以勵俗臣烈士忠

子節婦重士祿以養庶舉祀典以勸忠陸秀夫廟均鹽利以

墳墓瓊州新安等場積鹽無高販請聽軍儲載籍以養士刻

實邊民每鹽一引納米五斗作戶口食鹽

兩漢史工從之

記諸書庶戎勅鎮遠侯顧興祖安鄉伯張安都督同知王或通政司

右參議張隆鎮守密雲都指揮陳亨鎮守居庸關署都指揮

僉事李璟鎮守通州都指揮劉斌大寧都指揮張銳等督軍

民捕蝗

起復杭州知府陳復

脩完國復聖公廟

金星晝見

壬子遣視武城靜海旱蝗

甲寅行在刑部右侍郎何文淵大理寺卿王文審在京刑獄

巡撫南畿行在工部右侍郎周忱行在刑科都給事郭瑾審

南京刑獄

命朝首番僧止宿會同館母擅入各寺大國師班丹劄失阿

木葛各館夫十人刺麻館夫二人著為令

巡撫河南山西行在兵部左侍郎于謙釋獄陰行在大理寺

左少卿宥鎮守偏頭關左都督李謙罪先貪暴論死
乙卯廣西南丹衛於賓州奉議衛於平南縣向武千戶所於
貴縣俱避瘴也

庚申增行在刑部主事十三人

賑武昌長沙德安常德漢陽荆衛辰岳郴沔陽饑免荒水寧
德銀冶

泗州大雨水溢高丈餘漂廬舍官民咸走盱眙山

六月卯免淮安災租十八萬一千二百二十餘石

辛未夜大星青白光自天江流尾宿

乙亥脩南京太廟社稷壇殿

行在大理寺少卿程富為行在右僉都御史叅贊甘肅軍務
代曹翼時尚書柴車當代疾甚

丙子曲靖衛鎮撫丁顯為指揮僉事以王驥薦

己卯占城國王占巴的賴卒其孫摩訶賁該入貢

辛巳免徐豐沛災租二萬二千四百餘石

壬午大寧都指揮僉事張銳為貴州都指揮同知貴州布政
司右叅議李睿為按察司副使俱保薦

時水旱蝗蝻科道交劾行在吏部尚書郭璉少保工部尚書

吳中左副都御史李濬太僕寺少卿崔奎右通政李錫國子
祭酒貝泰中軍左都督陳懷右軍左都督蕭授俱老疾工部
左侍郎李庸新建伯李玉後軍左都督沈清中軍都督同知
王貴俱貪婪吏部右侍郎洪璵戶部右侍郎陳璫右僉都御
史程富俱不端通政使李暹敷奏粗俚太常寺少卿蔣守約
寺丞王一居戴慶祖俱不潔順天府尹姜濤失撫守國子司
業趙琬性刻乞罷璫等誣災 上宥之行在後府太子太保
成國公朱勇吏部尚書郭璫等各上章引咎不問
請天心選擇大臣考察在外官吏 上亦罷之

丙戌行在國子監祭酒金華貝泰致仕

丁亥蠲河間壽光臨淄災租

戊子行在都察院右都御史陳智行在工部左侍郎李庸通
請被劾下獄免削其籍

己丑勅赤斤蒙古衛都督僉事且旺失加都指揮僉事革古
者可見即等近使者至哈密爾與沙州衛護行爾獨不奉命
革古者又時率其屬往來沙州為盜暴苦行旅甚負朝廷所
以建衛設官封殖爾等之意其改圖毋忽
行在大理寺卿王文為行在都察院右都御史

改福建各衛所倉隸郡縣

免全椒來安災租千三百十餘石

夜大星青白色自尾流房宿後七小星隨之

庚寅勅廷臣脩省曰間者畿內旱蝗朕心警惕有言大臣所致朕明下其章俾之脩省而言官指摘過當朕慮溷淆悉置不問乃犯者不悔過言者猶忿攻今最甚者皆已罷斥爾大小諸臣宜益勵厥心洗改焉

行在兵部尚書柴車辛車字叔輿錢塘人建文己卯貢士授兵部武選主事轉員外郎從北征遷江西右叅議尋坐事左

遷職方郎中守岳州三年仍職方宣德中拜右侍郎轉左叅贊陝西甘肅軍務敢任勞怨諸將冒功賞一切裁之同官燕會無所預工嘉其誠屢賜金綺秩滿進尚書至是當出鎮阻疾歷官四十餘年操履清慎中外稱之賜祭塋官歸其喪夜月犯畢宿

辛卯封晉府鍾鐸徐溝王

壬辰晉王美圭薨王和厚易直年四十三謚曰憲

七月未朔監察御史周軌陸獻章珪成規方濬以考察削籍

丁酉復顧冕清江縣丞

行在吏部右侍郎洪璵被劾下獄尋以事曖昧釋之

彰德衛輝開封南陽懷慶太原濟南東昌青兗登萊遼東東
勝興州前屯二衛蝗命捕之

己亥勅雲南威遠州土官知州刀蓋罕爾母子躬擐甲冑斬
麓川頭目刀派罕逐賊過江斬數級深足嘉尚特進爾奉政
大夫脩正庶戶封爾母太宜人賜銀帶綵幣

談遷曰當時荒裔稍效尺寸旌綸亟下不俟專聞之彙叙
也以此勸功企踵恐後矣

減大同屯租之半

庚子脩玉牒

壬寅定武學規制

甲辰夜大星赤光自天梧流天弁

丙午詔科給事中舒瞳行人吳惠封占城國王摩訶賁該
增順天解額二十人共百人

命州縣不及三里祭文廟等行釋菜禮過三里祭如制從石

泉教諭黃士文之言

丁未大理寺少卿顧惟敬復捕河間順德蝗

己酉行在翰林院侍講學士陳循翰林院侍講陳月主試應

天...
董卜韓胡宣慰使克羅俄監粲貢馬趨保縣雜谷瓦及谷敦
人阻之勅四川三司開諭毋失遠人向化之心

辛亥戒宣府總兵官都督譚廣等造神銃火槍神箭其秘之

母再

壬子張琛嗣惠安伯張昇孫

陝西苑馬寺卿楊應春致仕

甲寅進順寧土知府猛蓋勛大中大夫資治尹賜金帶綵幣

旌從討麓川之功

六子

乙卯羅鵠丁澄蔡愈濟丁瑄為行在監察御史

己未免寧陵縣孔氏子孫徭役

壬戌裁德安府撫民通判

八月丑朔遣視真定平陽旱災

庚午新建伯求世爵不許

賑武進江陰無錫宜興桐城饑

辛未翰林院學士錢習禮編脩薩琦主試順天

新建伯李玉卒交河人追封新建侯

癸酉遼東都司經歷黃瑛為遼東苑馬寺少卿兼署行太僕

寺事

裁遠海煎鹽提舉司令遠東都司兼攝鹽課

甲戌賑蘄州饑

丁丑罷收南京上新河船鈔

工御奉天門諭行在都察院曰朝廷優士至矣將領不恤輒

私役為工匠月日亡休沿邊軍屯操稍暇邊將亦輒令捕野

味治新炭勾至補伍者所隸官盡索其携何怪不貧窘逃竄

也今犯者與法司執之

己卯行在刑部侍郎林厚言臣識獄四川七月戊戌卿雲見

六六

昂胃間繪其圖以上

庚辰真定縣雨雹傷稼

辛巳行在工部都水司主事錢源在刑部五年勤慎及調工

部未五月右侍郎邵旻察處之訴枉得實復源下旻獄

壬午行在工部郎中王佑署部事

乙酉禮部右侍郎吾紳卒紳開化人永樂甲申進士選庶吉

士授刑部主事多平反進郎中起拜禮部右侍郎尚書呂震

擢之出廣東右叅政尋復部改南京考察兩廣福建官雖故

人不私性率直於世味泊如也

丙戌行在大理寺左少卿于謙仍巡撫河南山西
丁亥山東左布政使王登為行在工部右侍郎
戊子劉鉉疾愈復行在翰林院侍講
辛卯行人虞禎學錄周道為行在陝西雲南道御史
思任發糾衆三萬至大侯州欲攻景東威遠行在兵部郎中
侯璉同都指揮馬讓盧鉞等擊敗之斬三百五十二級上
勅勞之

九甲午朔奉天華蓋謹身三殿乾清坤寧二宮成

壬寅封周府子墜通許王子墜原武王子墜鄆陵王子墜河

六

陰王子墜項城王

癸卯賑南京饑

己巳周叙服闋補行在翰林院侍讀

遣視淮揚濟南臨清水災

貴州福祿永從蠻夷長官司改永從縣置流官絕土官李瑛父

庚戌山東布政司右參議孫子良秩滿為參政

癸丑召河南按察使包德懷山東按察僉事薛瑄乘傳詣京

保薦四人惟徵二人

丙辰華亭上海旱命量輸布代租

丁巳復五陵萍鄉知縣

十月五日陝西行都指揮僉事王敬為右叅將鎮守甘肅

戊辰復王昇撫州知府食從三品俸

己巳復陳本深吉安知府食正三品俸本深鄞人歷政寬簡

御史程富掠其治盜功得遷本深竟不言吉安人留本深十

八年決訟不待詞嘗榻前口理其曲直士人有佳慶為本深

置酒輒往歸携其果餌啗市小兒久之廨前民有女及笄本

深歎曰是女吾見其舉女今已字尚可留投牒告老人更思

之

癸酉總督雲南軍務兵部尚書兼大理寺卿王驥言雲南按

察僉事徐觀大理知府賈銓楚雄知府馮浦善魏運宜陞行

在吏部以請上曰觀等誠有勞如諸將未叙何論功不宜

遽先也尚書郭璉等謝不及

行在禮部右侍郎王士嘉致仕

丙子王驥分大兵東路右叅將冉保自緬甸趨孟定會木邦

車里之師驥同總兵官蔣貴申路至騰衝會保俾思任發腹

背受敵

丁丑械行在戶部尚書劉中敷侍郎吳璽陳瑞於長安門以

京城草乏御用牛馬欲分牧民間言官劾其紊制下之獄論
死命械之

巡視通州倉儲行在戶部左侍郎王佐署部事

覆視平陽旱災

辛巳賑徐豐饑民

癸未豫備陝西邊儲

南京守備豐城侯李賢太監劉寧提督脩築江岸

夜大星青白光自弧矢流至游氣後二小星隨之

甲申瓦剌脫不花王貢馬二千五百三十七匹

乙酉吏部右侍郎趙新政禮部

大同總兵官武進伯朱冕聞警率四千八百餘人出龍門伯

顏山等處探

丙戌曉刻月犯靈臺上星

丁亥左參將都督僉事黃直等巡邊至伯顏山值百餘騎

敗之明日至閼婁山值兀良哈三百餘騎適都指揮朱

文弘廣等兵至又敗之

己丑叙殿功封都督同知沈清修武伯世祿千石少保工部

尚書吳中進少師太僕寺少卿馮春楊青為工部左侍郎各

賜鈔幣太監阮安僧保各金五十銀百之幣一鈔萬貫
命行在戶部檄山東叅政洪豫僉事蕭啟專撫安人民
庶民悉蠲畿內被災田租

壬辰行在通政司左叅議朱孔陽為順天府丞仍供奉內府
癸巳宥劉中敷等

談遷曰劉司徒等議寄牧牴旨未有深讐罰同重典其故
何與王振竊權則籍劫大臣以張其跋扈萌於是著矣

十一甲午朔上御奉天新殿大赦天下罷稱北京行在冠南京
於南京府部司寺院局悉改其印

談遷曰是年八月丁丑寧波知府鄭恪請定都京師去南
京宗伯胡濙寢其說無何詔如之議蓋自恪始也

減金華台州歲造兵器

王驥蔣貴以二萬衆自中路至上江

乙未復御殿受曆

監察御史計珩犯贓削籍

丙申廷臣表賀

戊戌大兵渡江賊伏四起奮擊斬千餘級賊遁入寨圍之

壬寅內官曹吉祥蕭保副總兵劉聚左叅將宮聚自下江夾

象石合攻明日因風焚其排柵大破之拔上江寨賊千餘猶
迎敵我長戈蹴之賊將乃放憂父子俱沒乃漢招闔家自焚
生擒刀門項先後斬五萬級上江平

癸卯封總兵官都督譚廣永寧伯仍鎮守宣府遼東備邊都
指揮同知焦禮施聚為都指揮使

丙午福餘衛夷脫火赤完哈等假射獵屢犯邊至是被擒磔
於市

昏刻月犯昴宿

己酉禁邊夷擅入界碑

刑部右侍郎何文淵予告

壬子昏刻大星如梳青白光自天苑流至濁

癸丑免河南山東南畿災租四十四萬三千四百餘石

丙辰命副總兵都督僉事吳亮駐湖廣往來貴州為備

庚申翰林院庶吉士黃以春為中書舍人仍譯書

閏甲子朔四川右布政使李敷為吏部左侍郎

丁卯免徽州府災租四萬五千九十餘石

京城安定門火

王驥命大兵由夾象石渡下江通高黎共山道至騰衝留左

副總兵都督同知李安成之王驥等取道南甸至羅卜思庄
令指揮江洪等以八千人抵木籠山思任發乘險以二萬衆
列七營相救左參將宮聚右總兵劉聚分攻之不下驥貴同
奉御蕭保自中路進左右夾攻敗之斬數百餘級乘勝至馬
鞍山麓川大震

戊辰夜大星赤光自乾宿流至庫樓
己巳故翰林院待制王禕贈學士謚忠文先是建文初謚禕
文節靖難後無稱焉義烏縣丞劉傑以贈謚請從之
卒未禮科給事中鄒冕私忿毆從叔削籍又引赦求復謫成

邊

徙神木縣於平川

壬申增保德州判官專收偏頭關糧料

甲戌復下戶部尚書劉中敷右侍郎吳璽陳瑞於獄時瓦刺
貢駝馬上問其數并芻秣若干不能對太監王振嗾上
論死左侍郎王佐仍署部事

大風霾

丙子翰林院學士李時勉為國子監祭酒

壽州同知李亨秩滿留食從五品俸

丁丑尾刺使臣都督阿都赤卒於會同館殯祭祔崇文門外
先墓
免開州內黃滑濬邯鄲肥鄉成安永年正統四年災租五萬
二千四百九十八石
己丑復李素贛縣知縣食正六品俸
辛卯翰林院侍讀周叙上三事興學校勸農桑慎鈐選上
議行之

十一月
甲午免當塗蕪湖繁昌災租萬七千七百三十餘石
王驥等直搗賊巢山周三十里柵堅塹廣其東南依江壁立

以三千人探之賊象陣伏泥溝突起敗之賊又自永毛摩尼
寨至馬鞍山伺我後令都指揮方瑛以六千人攻拔之而右
叅將冉保從東路合木邦車里大侯之兵先後斬二千三百
九十餘級於是進攻麓川積薪焚其柵思任發挈妻子間道
渡江走孟養焚溺數萬餘黨皆盡

丁酉廟祀平江侯陳瑄於清江浦

癸卯山東右布政使王質為戶部右侍郎

復冀信洛陽縣丞食七品俸

甲辰亦力把里等入貢

乙巳故新建伯李王子英襲府軍前衛指揮使
丁未安定王亦班丹等入貢

王驥蔣貴平麓川班師

庚戌復李宗政鞏昌府通判食祿五品俸

甲寅禁軍民私宰馬牛驢騾違者罪死請其家邊衛

庚申戶部左侍郎王佐為尚書通政使李暹為戶部左侍郎
仍提督各倉場

辛酉忽魯謨斯國王速魯檀土蘭沙入貢求通使禮部乞降
勅諭其安守從之

壬戌夜大星青白光自天廟流至近濁

是年巡撫工部侍郎周忱浚吳淞江

安南遣內密院副使阮田僉知內密院副使阮有光僉知陶
孟拱入貢求冠服詔予皮弁服常服各一襲

壬戌正統七年

正甲子夜大星赤光自氏宿流天市

南京西安門火

乙丑江西右布政使焦宏為戶部右侍郎

己巳夜月犯畢宿

華陝西甘肅茶馬司仍布政司管糧官提督

癸酉夜月犯鬼宿

甲戌上南郊夜大星赤光自東流至濁

戊寅勅大同總兵官武進伯朱冕將都指揮同知石亨曰
往者瓦剌貢使多五人合脫一不花也先動遣千餘供億勞

七五

費令都指揮陳友等勅諭瓦剌自後不過三百人如增至爾
第遵額入之餘先回或俟於貓庄

鎮守密雲都指揮僉事陳亨失事下獄戍威遠衛

東昌府通判傅寬上太極圖說以僻謬悖理斥之

己卯補給毛憐衛印都督同知李撒滿答失里來朝云失印
故

右軍左都督蕪火耳灰平

癸未命吏部左侍郎魏驥往順天永平通政司右叅議王錫
往鳳陽淮揚大理寺右少卿賀祖嗣往真定保定光祿寺丞

張如宗往河間順德大理寺左寺丞仰瞻往廣平大名督有
司預絕蝗種

停禪師領占刺麻三丹等口糧

都指揮僉事陳友指揮同知李全李鐸同瓦刺使臣往賜脫
脫不花可汗及七先書賞賚之

甲申瀋府稷山王佶煇薨年三十三謚悼靖

建州衛都指揮僉事李滿住為都督僉事

丙戌推官王永壽為廣西道監察御史

丁亥復俞觀嘉定縣丞食正七品俸

己丑琉球國中山王尚巴志薨子尚忠入貢

庚寅麓川寇平奉御蕭保為都知監左少監仍鎮守雲南召
鎮守右監丞曹吉祥還京

二月辰朔工科都給事中李倜為湖廣布政司右叅議賜勅提

督太嶽太和山宮觀

乙未貸蒲葦民黑豈

戊戌禮部左侍郎兼翰林院侍讀學士王英翰林院侍讀苗
衷主禮闈

庚子免蕭縣災租六千八百八十餘石

夜大星赤光自天鉤流至閣道

壬寅令觀海定海臨山寧海四衛水師泊定海之烈港徼巡

沈家門黃溪港海道

癸卯福州倉火燬糧二萬八千九百七十餘石

甲辰建州衛都指揮僉事李滿任為都督僉事

分建州左衛設右衛都督僉事董山凡察皆為都督同知分

署左右衛事初建州左衛以難亡其印既更給而故印在詔

上更給者凡察匿不出遂析左衛分領之

丙午右都御史王文等劾吏部考察不公浙江左右布政使石

七七

執中按察使軒輊等二十人命執中等記罪罰俸吏部堂上

官宥之

潯州叛程藍受貳等怙亂至是千戶潘智誘執之伏誅

己酉右副都御史陳鑑鎮守陝西代王翽

庶戎築大同西路玉林城去右衛五十里有險可據叅將都

指揮石亨請以護屯

辛亥滄州知州上官儀奏饑民食草實乞停去歲所貸倉粟

從之

壬子脩會同館觀星臺

癸丑增各王府折米鈔每石各十貫

乙卯罷給大臣朔望酒饌著為令

重書旌楚王季垸孝行王侍母鄧氏疾籲代累月不解帶

山西按察使徐永達卒永達歸德人教諭同官永樂間

拜翰林編修侍皇太孫已遷右中允宣德初遷鴻臚寺少

卿以寺卿使安南諭降黎利拜湖廣按察使憂去補山西清

嚴不擾日蔬食婦在故里自績劾巡按御史顏繼之虐忤都

御史陳智不能中也巡撫少卿于謙臨其喪解舍蕭索解金

帶賻之

七二

戊午誅南京尚膳監內使郭敬以尚膳監火也

庚申上發京師詣天壽山先是工部右侍郎張瑋除道

辛酉至天壽山

三月戊朔祭長陵獻陵景陵

甲子還京

乙丑徵國子監饌銀分給

辛未國子祭酒李時勉上國學五事重歲貢均撥廩給醫藥

嚴私限

毀怪刻從之

壬申占城入貢

進士豐慶為兵科給事中劉燁尚達為南京刑工科給事中
乙亥設雲南永平軍民指揮使司

都指揮胡誌李昇等分守金齒蒙化等要害從王驥之請

丙子策貢士姚夔等百五十一人於奉天殿賜劉儼呂原黃

諫等進士及第出身有差是科李森南昱俱吏鄭溫松陵驛

丞

丁丑毛憐衛都督同知李撒滿答失里為右都督

復蔣文愷上海縣丞食正七品俸

壬午詔科給事中余忭行人劉遜往封尚忠琉球國中山

七九

王

監察御史吳瑜專理兩淮鹽課

右僉都御史金濂叅贊寧夏軍務代盧睿

昏刻大星赤光自東南流至近濁

癸未前通政司右叅議權謹卒謹字仲常徐人十歲喪父母

李氏訓之孝友純至承樂初薦授樂安知縣仁慈廉明冠最

山東遷光祿寺署丞母喪廬墓三年有鳥鳴瓦馴之異仁

宗聞之召拜文華殿大學士侍東宮於南京從臣俱道獻

東宮卻之謹獨進孔門聖賢圖宣德初告老加通叅致仕雖

文學非所長其內行即古人亡媿也

何喬遠曰仁宗在位一年所用推謹出自簡在其於風

勵世教遠矣

戊子遵化縣蝗命捕之

四辛卯朔覈陝西邊糧借支不能償者免之從鎮守右僉都御

史王翱之請

科給事中楊信民請自通州至南京沿途收銀鈔官如巡

按例歲代從之

壬辰諭河南山東兩畿捕蝗種

甲午以鎮守松潘都指揮僉事王果高廣遣招粟谷等寨叛
蠻勅戒之

復范希正曹縣知縣李忠分宜縣丞吳瓊樂清主簿楊意南

陵典史俱秩滿乞留

免平陽去年田租六十五萬三千餘石

賑西晏鞏昌涼臨沅鳳翔慶陽旱饑

乙未武安侯鄭能卒

丙申夜大星青白光自七公流文昌後一小星隨之

丁酉琉球入貢

戊戌山西太原左衛卒張敬言頃者山西擒盜功非實此屬
雖詔朝廷然衆耳目不可塗也恐天下皆然宜御史庶其實
削其冒陞寘於法都察院覆議從之

己亥少師兼工部尚書吳中疾辭部事仍給祿

壬寅鎮守洮州都督僉事李達致仕子獻為沱州衛指揮使
總督雲南軍務兵部尚書兼大理寺卿王驥以臨安衛指揮
使萬城等勦韋即羅克之即羅走安南黎麟擒獻撫其衆四
千餘人

癸卯作宗人府吏戶禮兵工五部鴻臚寺欽天監太醫院於

大明門之東翰林院於長安門之最東

甲辰裁漢陽同知通判知事檢校各一

丙午設南京京衛武學

丁未遣戶部左侍郎王質以羊酒途勞蔣貴王驥凱旅將士
悉給舟車餼廩

戊午增戶部主事五人分督京通等倉

復蒲原清崇仁縣丞食正七品俸

免濟南去年災租四十萬六千石

己未勅鎮守陝西右副都御史陳謚兼督陝西歲運及河渠

提舉司并各倉厥收支芻粟

五朔刑部左侍郎包德懷成威遠衛德懷初河南按察使數
通周王魏遣妾婢竊議之至是閉妾婢一室忿縊者三人事
發下諸婦詔獄讞上當削籍上特宥之

壬戌勅朝鮮國王李禔母納逋逃但漢人女直至即擒獻
刑科都給事中郭瑾為刑部左侍郎

癸亥山東布政司參政沈固為戶部右侍郎

丁卯少師隆平侯張信卒信臨淮人父興永寧衛指揮僉事
信嗣紫江草塘功進都指揮僉事建文初調北平令伺燕邸

縛之信反通款累功封侯 太宗欲納其女為妃堅辭人以
此多之追封鄖國公謚恭僖

郭子章曰予過平越平越人言隆平侯張信母塚仙人張
三丰所也閱通志張信居家孝友莊官忠勤好禮下士為
時所重隆平功未著而取侯如券信地靈乎既讀吾學編
震澤紀聞乃知隆平之母識 文皇於邸中貽子孫以茅
土所謂女智非耶而豈專在一抔土也

戊辰順天廣平大名河間鳳陽開封懷慶河南蝗命捕之
辛未南京增遮洋船三百五十艘航海轉餉薊州

壬申進定西伯蔣貴為侯祿千五百石總督軍務兵部尚書
兼大理寺卿王驥靖遠伯祿千二百石右副總兵都督僉事
劉聚為左都督左叅將都指揮使官聚右叅將都指揮僉事
冉保俱為都督同知總督糧餉戶部左侍郎徐晞為兵部尚
書右僉都御史丁璿為右副都御史從征將士悉論功驥拜
爵奉朝請不預部政

癸酉錦衣衛帶俸都指揮使毛福壽湖廣都指揮使鄭通俱
為都督僉事

甲戌監察御史高峻提督浙江海道

都督同知李晏下獄初晏駐潞江護餉耻不與功聞賊屯高
黎貢山擅攻之不利賊躡我失都指揮趙斌等千八百人

乙亥北京行太僕寺卿李蕡為工部右侍郎兵部郎中侯璉
為禮部右侍郎刑部郎中楊寧為右侍郎俱從征麓川也

夜月食

戊寅立皇后錢氏

庚辰詔天下

辛巳倭二千餘人寇爵溪千戶所卻之尋陷大嵩千戶所

甲申叅贊寧夏軍務右僉都御史盧睿回院金濂往代

乙酉巡撫河南山西大理寺左少卿于謙請郡縣各設機兵
數十人捕盜從之
賑巢縣饑

丙戌雲南總兵官都督同知沐昂為右都督
己丑都指揮使李信總督浙江海道備倭
夜大星犯右執法

是月榆社王鍾鉉進封晉王

六廟寅朔錦衣衛千戶王山為指揮同知世襲王振姪
復劉說瑞州知府食從三品俸

辛卯勅總督備倭都指揮使李信等徙水市居民築要害併
城門禁闌出

復饒景春新建主簿沈斌鄱陽主簿俱食正八品俸
癸巳昏刻大星赤光自心宿流至濁

甲午夜大星青白光自天市西垣流右攝提
乙未松滋王貴斡薨年三十九謚安惠

壬寅起復咸陽知縣王瑾

甲辰復張璟平山知縣食從六品俸

壬子戶部右侍郎焦宏往浙江整飭備倭

茂名教諭傳璿乞停保舉專責吏部精選如往例部覆御史知州闕停保舉餘仍舊從之

丙辰貴州道監察御史馬謹為吏部驗封郎中時闕數年少師兼工部尚書吳中卒中字思正武城人洪武中監生授營州後也銜經歷靖難迎駕歷右都御史肇建北京改工部尚書歷刑部洪熙初進太子少保宣德初進少保累朝山陵之勞然諂中貴輕民力黷於色貨罷妾數十各室具衣帶隨服之嘗拜誥妻聽其終篇曰何無一廉字也年七十一予祭葬追封在平伯謚榮哀子賢詹工部主事

七月未朔遣視濟南青萊江松揚南昌吉安袁辰淮安鳳陽徐同水旱

甲子禮部右侍郎侯璉往雲南參贊軍務

乙丑右僉都御史金濂為右副都御史仍參贊寧夏軍務

丙寅賑陝西饑停通租蠲戶口鹽鈔贖粥子

戊辰福建按察僉事李在修築甃八人被劾特宥

庚午工部虞衡主事吳賢訟其父尚書中功乞武職改賢錦衣衛帶俸百戶世襲

癸酉召商陝西中鹽淮引米數一石二斗浙引一石長蘆引

六斗

戊寅工部左侍郎王登為尚書

哈密忠順王倒瓦答失里奏瓦剌太師也先為弟娶其女詔任之

庚辰夜月犯畢宿

壬午裁保定府撫民通判

免淮安田租九萬餘石

木邦宣慰使罕蓋法合南甸千崖等兵攻逆黨思機法兄弟沐昂以聞

癸未山東夏麥俱折布鈔

甲申選官旂等善騎射者六百十一人都督再保都督僉事

毛福壽率往雲南勦寇

夜大星青白光自天梧流貫索

乙酉吉慶周紀張魁蔣誠孫慶歐陽澄劉仁宅程勉李璿為
監察御史

己丑監察御史趙全等清軍京省

四川董卜韓胡宣慰使克羅俄監察乞王爵不許

庚寅廣西泗城州土官岑豹與利州土官岑顏仇殺命諭

解之

乙未復孫昇宜春縣丞食正七品俸

辛丑蘓常松江杭湖嘉興糧長每歲一更從御史柳華之請
壬寅兵部尚書靖遠伯王驥往雲南總督軍務仍給金牌印
符便宜行事時思任發未就得再保毛福壽為左右參將
右僉都御史曹翼參贊甘肅軍務代程富

己酉江西按察副使石璞為山西右布政使

辛亥以河州黑城廠地賜大慈法王釋迦也失立弘化寺

癸丑賜大學士楊士奇楊溥三代誥命故事九年考滿始給

七七

上重二相特給士奇言伯祖公辰所出繼并贈如制

乙卯赤斤蒙古衛都督僉事且旺失加都指揮僉事革古者
可見即懼瓦剌侵掠求內徙肅州白城山勅止之

九戊午朔湖廣參將都指揮僉事張善總督守備湖廣貴州都
指揮同知郭瑛克參將總督守備貴州召副總兵都督僉事

吳亮還京

昏刻金火星相犯於氏宿

壬戌 知縣陳員韜為山西道監察御史

覈揚池松江淮安武昌黃岳常德衡荆會稽臨海天台水旱

己丑雲南都司瀾滄衛軍民指揮使司北勝州改隸雲南布政司

丙寅誅浙江都指揮僉事李貴指揮沈容千戶劉濟以倭陷大嵩也

丁卯永平薊州山海關總兵官都督同知王或等言兀良哈三衛假射獵犯邊乞勦之不許

都指揮僉事紀廣克右叅將協守宣府都指揮同知胡源克左叅將協守開原都指揮劉端克右叅將協守遼東都指揮僉事王榮克右叅將協守寧夏都指揮同知朵勝克右叅將

協守薊州永平山海都督僉事楊洪克左叅將守備獨石永寧

庚午封代府遜燔隰川王秦府公銘臨潼王公鏜邵陽王定興人訴知縣張彝被誣法司請按其實上竟宥之

甲戌耀州進嘉禾三百餘本禮部稱賀止之
丁丑前戶部右侍郎吳璽陳瑋宥死戌威遠衛

戊寅命河北民採薪輸易州柴廠免平陽之役俾專農事
庚辰勅瓦剌使臣卯失刺孛端等前諭爾少遣人來亦勅大同總兵鎮守官凡來使定數外餘毋徇見庄今聞來人仍多

念天寒邊遠特俱縱爾等來朝和好之道貴以至誠况遣人
勅以千計寧無越分違理者乎爾等宜戒約從人庶保和好
勅大同總兵官武進伯朱冕將都指揮同知石亨酌侍毋
啟戎心時來使二千三百餘人
辛巳陝西都指揮同知汪壽世土官守鞏昌六衛前調西安
土人乞復舊從之

寧波人鄭道堅等殺倭功各賞布一鈔五百貫

壬午免青萊逃民夏稅秋租

十月巳丑遼府麻陽王貴煥薨年二十六謚悼僖

八九

庚寅 太皇太后不豫禱太廟

定邊衛指揮使陳信鎮守通州

壬辰兀良哈糾野人女直千餘人自種帽山犯廣寧前屯等

衛

癸巳兵部郎中鄧浩為南京太僕寺少卿仍督江南白糧

勅四川三司番僧入貢多土人邊人冒隨令審實赴京多不

過三五人回日帶茶人止二百斤

甲午初瓦剌密令女直誘脅朝鮮國王李禔拒之以聞勅賜移

幣至是遣崔士康等表謝

未逮御^監史胡鑑胡宗下獄初南京戶部主事張溥監鳳陽糧
儲忤管糧右副都御史周銓相訐俱不問銓囑鑑宗劾之溥
下獄訐枉刑部言銓罪等 上寘銓俟獄具
丙申復劉炫日照知縣食從六品俸
行人司行人尚褫上二事大臣位任去天子不遠者也古者
黜削不及大夫今或祇言官彈劾或罹旗校緝訪露頂跣足
束縛奔命若繫囚然事實尚可倘涉虛妄行當復職則今日
衣冠之鄉執即昔日窟辱之囚拘非所以重體也請自今有
犯者命錦衣衛官召至午門勅諸大臣以禮會問踪跡可驗

九十

疏上輕重如其無端即奏復職又旗校緝事未必悉實有為
他人報仇或以自泄私忿倒置是非誣陷平民請令不實所
緝者量罪輕重以半坐之下刑部集議褫言可采而律例無
文 上命旗校察不實者坐罪
戊戌許瓦刺後使百餘人入朝大同總兵官朱冕以請念遠
至納之

復嚴瓊萬安知縣瓊屢被薦 同知費斌因入朝以關况
黜瓊訐枉 上以石璜趙新之薦留之
增各道御史十一人

已亥 太皇太后疾久思見襄鄭荆淮四王遣內官以勅符
召之

庚子戶部主事劉湛總督懷來隆慶運糧

壬寅復楊節叙州府推官食正六品俸

乙巳 太皇太后崩遺詔曰吾自洪武中配 仁宗皇帝三

十餘年為未亡人十八年今命止此得全歸以從 先帝於

地下足矣惟國家重事存沒在念 皇帝聰明孝敬爾內外

文武群臣宜盡誠輔導庶幾克濟吾素無德身沒之後喪服

悉遵 仁宗皇帝遺詔 皇帝成服三日後即聽政后永城

九

人彭城伯張麒女始為太子妃操女行甚謹手庖爨供 太

宗帝后徽 后當太宗意 太子幾廢既為后中外政事群

臣才品莫不同知 上即位二年太監王振干寵 太后御

便殿召張輔楊士奇楊榮楊溥胡濙入女官左右侍雜佩刀

劔 上東立輔等立西下 太后顧 上曰此五臣 先皇

所簡 皇帝必與計頃召振振至 太后改色曰汝律 皇

帝不律多賜汝死女官刃加頸 上跪請五臣皆跪 太后

曰此輩自古多悞人國 皇帝幼為知之且以皇帝故寬汝

母再也振為少戢 事見餘冬叙錄

王世貞曰攷史正統中絕不載 太后召見諸大臣事以
太后召見大臣於朝廷為盛事諸於公為盛遇青教王
振為盛德楊文敏行實與聖諭錄何故伏之史於 太后
之聖政王振之靈國蓋媿馬何所講而不書意者何文
簡驟聞前輩喜而筆之不知其悞也
何喬遠曰內宮之位本朝家法為正 孝陵長陵不立繼
后 獻陵至康陵皆以一后終其他用子為天子稱太后
矣 張太后當 宣英之際可以預政而不預政視漢唐
女主何如哉

九

談遷曰 昭聖紹 高文二后之盛於 獻陵則邑姜也
於景陵則太任也 至裕陵負宸嚴外戚之預政裁凶闔之
竊權社稷賴以宴如而勢不馬鄴席不向高受茲介福於
其王母誠 昭聖之謂也 世傳太漸時召楊士奇楊榮楊
溥榻前問國事未辦者士奇云建庶人立四歲雖已亡當
脩其實錄一弛建文方孝孺諸臣遺書之禁 后默然竟
不見諸遺詔按楊榮先卒此蓋微宋之宣仁而悞者也
丁未夜大星赤光自中台流至濁
辛亥夜大星青白光一自文昌流至近濁一自上台流至近

濁

一卯裁湖廣都縣撫民官

復屈義清苑知縣義被誣下刑部民伏闕稱枉得雪

丙辰泉州知府尹宏卒宏歷城人貢士善撫字禱旱而雨民

被其惠留堊郡城東祠祭不絕

夜天鳴

十一月朔夜天鳴

戊午祀武城王太公望於後軍都督府

夜天鳴入大星赤光自翼宿流土司聖

己未夜天鳴

庚申上孝誠恭肅明德弘仁順天啟聖昭皇后尊謚初

太后甚禮廢后胡氏及莫廢后不敢同孫后自列名妃嬪中

慟甚

辛酉給甘肅戍卒布花

旦天鳴夜大星青白光自天苑流天闕

壬戌作刑部都察院大理寺於宣武街西詹事府於玉河左

癸亥頒謚詔

瓦刺遣使二千三百二人貢馬二千五百二十七匹

工部右侍郎楊青卒

乙丑兀者衛都指揮使刺哈為都督僉事

右僉都御史王翱提督遼東軍務時東鎮屢失事翱至鎮守將旅謁詰玩寇故將斬之哀懇乃釋繕烽選銳謂邊人不當用常法量罪贖粟遺左稍安

己巳增湖廣布政司右叅政柴璉提舉司副使陳質專督屯種

泰和人奏大學士楊士奇子稷不法事士奇待罪命逮稷至京連及三百餘人

庚午萊州推官牛宣為山東道監察御史

辛未復傅貞定遠知縣貞憂去繼非其人邑民乞貞適服闋壬申夜月食在井

己卯免平陽去年夏稅十一萬七千六百三十餘石

壬午命章官保梁貴仗瓦刺自元年來康能陳友凡六使故休之

甲申復劉恕城武知縣食從六品俸

監察御史時紀使陝西枉道還里脅長垣民女為妾下之獄諭法司錦衣衛今後慎遣

錦衣衛指揮僉事王瑛上八事禦邊莫善於燒荒使胡馬無
水草可恃積糧莫善於屯田使入貢非禮凶虐令其酋長
自責罰邊卒演武果才勇特出量加賞賚備倭戰舡私販鹽
捕魚採薪致失備乞監察御史時加巡視沿海衛所軍士或
摘運糧或屯田百里外不及調乞沿海軍士免運屯軍附郭
軍官多戍貧役富宜才幹武臣提督脩城實伍法令歸一海
工盜甲器械有損壞將在官贖緩脩理 上頗採之
是月婁南國王黎麟死子濬嗣遣臣陪阮廷歷來告哀黎傳
來請封濬一名基隆僭號太和

壬戌子嘔罕河衛都督僉事乃勝卒

己丑瓜哇占城入貢

禮部尚書胡濙言山東左叅政沈固右叅政劉璉並以中外
官舍軍民戴帽穿衣語言聽拜尖頂禿袖垂纓插翎靴效胡
俗請令都察院嚴榜戒治從之

壬辰免濟南青登萊田租

乙未起復晉府右長史陳瓊從晉王鍾鉉之請

己亥夜月犯井宿

辛丑白虹貫月

癸卯祔 太皇太后至太廟

乙巳襄王 瞻塔入朝

安南入貢

免戶部尚書劉中敷官先下獄訴母老放歸終喪來受罪至是宥之

丁未夜大星青白光自大陵流六諸侯

戊申揚州推官張海為河南道監察御史湖廣都司別斷事黃

英為陝西道監察御史

兀良哈賊孛台盜邊獲之會三衛來朝優示之

庚戌翰林院編脩徐理上五事曰治兵宜歲九月京營兵巡邊分三路一自宣府抵赤城獨石一自大同抵萬全一自山海抵遼東各出塞三五百里燒荒冬出春歸曰延綏德至寧夏甘肅地數千里有警難援乞遣科道集民丁五人以上取一為兵免糧役每郡立一營遍調天餉曰今將官概舉有指揮即陞都指揮都指揮即陞都督曾無寸功遽登重任宜從公察舉隨各總兵官領分兵果才能立功陞職曰汰京營老弱令歸衛所壯丁補隊邊兵亦如之曰唐有軍謀之科宋有武舉之選乞兵部檄天下軍衛有司訪謀勇之士不限南

北不拘額選至京問攻守之策試騎射合格月餉二石隸京營聽遣上議行之

辛亥麗水盜陳善恭青田盜葉宗留合二千人盜福建寶峰場銀冶命浙江福建捕之甲寅琉球入貢

丙辰蘓州知府况鍾卒鍾字伯律靖安人自學吏給事禮部尚書呂震薦授儀制主事進郎中宣德五年守蘓州首斥經歷傳得等數人盡削宿弊公正勤能民甚便之憂去起復奏蠲重額糧七十餘萬石開枉戍千八百餘戶綜理周密出納

徭役皆籍記而綱提甚省見豪右強梗立斃之過細民寒士厚甚秩滿食三品祿及卒巷哭立祠同鍾出守松江趙豫常州莫愚杭州馬儀吉安陳本深西安羅以禮其治皆相伯仲而豫尤和易近民時稱鍾能吏豫良吏云

林之盛曰世之論守令者輒尚慈和不貴強幹吾以為慈而惠奸何取於慈強而詰暴無病於強僑作刑書稱為衆母威所以為惠也從來遠矣况公之治蘓剪厥巨奸民用以和正刑期無刑之理乎乃好語鸞鳳而令豪右食人甚者沒其賄而傳之翼亦足哂矣

談遷曰史稱伯律治劇才惜其貪虐猶有刀筆餘習噫彼
精敏銳驚恤民下賢薦處士鄒亮歷御史有聲大非刀筆
吏所辨以趙廣漢尹賞之才終為潁川河內而嘗以刀筆
得毋資格絕之耶起於科第雖毛舉驚擊不曰刀筆餘自
雜進雖車、如伯律輒有後言俗習大抵然矣
是月丁巳寧夏柳義渠

